

敕總理糧儲兵賦之政日繁自兵備副使魏良貴始
敕整飭蘇松等處兵備山東按察司副使魏良貴近
該戶部覆議巡按直隸御史陳九德題稱蘇松等府
東南財賦之地近年以來侵欺拖欠錢糧數百餘萬
雖有巡撫官總督照察難周而同知等官又多遷改
差占管理不專以致作弊多端虧損國計欲要專敕
兵備官兼理糧儲今特命爾不妨原務兼管蘇松常
鎮四府錢糧仍在太倉州住劄時常巡歷該管地方
嚴督各府州縣掌印管糧官員凡有坐派各項錢糧
務要趁時催徵不許延緩查有吏書糧里人等侵欺

請建道葦州然州屬要害兵備道可建州必不可
撤於是即舊道復置按察副使一人李士允以其
官奉 敕至自是遷轉則代以爲常其列銜之司
始以浙江後更山東其巡視之地則蘇松常鎮四
府蘇州太倉鎮海金山鎮江新安宣州七衛其兼
理之事則刑名水利捕盜屯田其常歲所居則於
太倉本道日有所供具亦惟於太倉州嘉靖十五
年按察副使李士允於本道前立坊牌二東曰澄
清西曰振肅

敕諭

皇帝敕曰蘇松常鎮四府係南畿重地國家財賦取
給於此往年因盜賊生發貽患地方特設專官整飭
兵備今特命爾專在太倉州住劄往來四府沿江沿
海一帶地方督同軍衛有司掌印捕盜官負操練官
軍揀選民快修濬城池演習水戰緝捕盜賊巡捉私
鹽聽理詞訟兼提督各衛所屯田子粒務令以時耕
種依期徵納禁革奸弊官吏旗軍人等敢有役占科
歛剝削軍士及侵占屯田包攬拖欠屯種者依法究
治其各府水利督令有司官吏設法整理湖蕩河港
於塞淺狹者即爲疏濬開壩堤防圩岸及禦潮海虞

等弊徑行拿問勿事姑息如有倚恃勢豪不行究治
者指名叅奏重治各該掌印管糧官負如有過限不
完者查照節年題准事例量其年月久近照例住俸
并送部降級中間怠玩廢弛坐損國課者亦聽指名
叅奏遇有行取考滿官負務要備查任內經手錢糧
完足方許起送其有限內先完勞績顯著者具奏旌
獎擢用管糧官負不許別項差占庶可責成每年終
將完過錢糧及拖欠數目造冊申報總督都御史轉
達該部稽考以憑黜陟爾爲憲臣尤須夙夜盡心廉
謹自持催徵以時督理有方務使積弊肅清國儲充

足訟簡民安事克有濟斯副委任如或視爲泛常因循怠忽責有所歸爾其慎之故敕

兵備道職官紀

謝琛字 [redacted] 江西廣信人正德七年任

李士允字子中河南祥符人嘉靖十四年任陸浙

江叅政

王儀字克敬直隸文安人嘉靖十七年任陞山西

叅政官蹟詳生祠記

李遂字邦良江西豐城人嘉靖二十年任居三月

聞母計即日匍匐奔喪去

陳楠字彥材浙江上虞人嘉靖二十年任罷歸

陶欽夔字 [redacted] 江西彭澤人嘉靖二十三年任聞

父計奔喪去

敖璠字貴之江西新喻人嘉靖二十五年任陞山

東叅政宦蹟詳兵防

魏良貴字師孟江西南昌人嘉靖二十七年見任

太倉州巡捕官專委同知係奏奉 欽依事理均徭

編僉民快二百零四名分差巡鹽巡捕隨二衛官

軍操練每名工食銀八兩二錢

太倉衛指揮使司吳元年立在鎮民橋西南基即元

之崑山州治隸南京中府始設十千戶所統軍萬一千二百人洪武四年并爲左右中前後五千戶所有經歷鎮撫二司領吳淞江守禦千戶所

叅議陸容太倉衛修復記略曰天兵平僞吳首建此衛爲保障計急先務也衛之規制蓋仍州治闕歲百餘舊制蕩然正統丁卯指揮使汪侯鼎修建成化丁亥指揮使張侯羽復修至歲壬寅指揮使張侯漢汪侯澄僉事郭侯煒相繼輯治衛之舊規以復而偉觀具矣國家待武臣世官世祿與國體匹殆貽孫燕子計耳夫澄鼎之孫也漢羽之子也

前作後述奕世則效則何利之不與何廢之不舉豈直官宇不治之足慮哉衛本崑山州治國矣有以爲左丞朱清第者有以爲水軍都萬戶府者何居盖嘗考之矣州治卽清廢第爲之水軍府之設亦嘗寓此而尋改今衛特云州治者舉其要也工部尚書嘉定龔弘太倉衛修造公署記略曰太倉衛公署卽元崑山州治之故而新之既久就改而屬司之署尤甚焉嘉靖乙酉夏五月侍御高安朱公寔昌以巡按至揮使傅侯勳合僚屬請捐俸欽之在有司者以充厥費公歸之移文蘇郡調度

惟勤秋八月會少宰泰和陳公拜巡撫之命于南衛以狀聞公特許可而復嚴於教誡於是太守胡侯纘宗承之以區畫判府蔣君文奎太倉州守劉君世龍承之以平價郡丞周君仲仁承之以聚財節推左君季賢承之以給餉衆工偕作用殫財良窳翼翼氣象宏遠始于是歲冬十月甲午迄明年夏五月甲子凡用夫役若干糜金錢若干各有奇乃者揮使請記其事以勒諸石於戲斯舉也郡憲公與侍御之知大矣太守與百執事見義有勇首武弁能勉於辭錄與諸重工捐俸官限于碑

制未遑表著者亦當別繫之

軍儲倉在常春橋西洪武二十年指揮高曉建正德間顏圮嘉靖十七年兵備王儀改建小教場二十六年指揮熊天爵申請兵備教璠轉詳撫按復建軍儲倉而舊制始復有倉使一貢斗級二人

軍器局在衛治西武成王祠在儀門東偏

鎮海衛指揮使司洪武十二年分太倉衛官軍之半以立在武陵橋西北基即元之市舶提舉司統左右中前後五千戶所有經歷鎮撫二司領崇明守禦千戶所吏部侍郎崑山葉盛重修鎮海衛治記

其略曰鎮海衛在崑山之東倉崑山舊無衛國
初以其地瀕海自方寇後抄掠之患不息特設鎮
海太倉二軍衛禦之鎮海衛治城中東偏治事之
堂廳屋廡宇規制悉出開創之日無不如法而歷
年之久亦弊矣正統中衛指揮使武侯政始蒞事
即合諸寮案之議與其屬約曰衛茲不治吾奚得
而怠然有司繁且遠民力既竭且重其時毋勞民
毋煩有司相宜積力加之以勤勵吾與若事也由
是工以防戍之休閒者材合有司之助相者有過
之請贖者食以捐俸濟以羨餘獻藝效勞程督不

繁經始于某年月日訖工于某年月日輸負一新
悉復舊觀蓋為楹若干工費若干并協力畢事之
氏名用具刻于碑陰使後來者有考焉

軍儲會在常春橋南舊為武寧庵洪武三十年建為
倉正統八年設倉使領印斗級二人

軍器局在衛治東南

之表按太倉鎮海二衛官有定品而無定員其武
舉與有軍功升而為署官或調衛及戶絕官除者
增損不一大略當與天下衛所相似然即以二衛
自相律之其事體亦間有不同如太倉衛鎮撫二
人鎮海衛鎮撫一人此衛鎮撫之多寡不同者也
太倉衛五十百戶所有試百戶鎮海衛五十百戶
所無試百戶此試百戶之有無不同者也太倉衛
漕運船百三十有五每船軍餘十一人鎮海衛漕

運船百五十有六每船軍餘十二人此漕運船與
軍之不同也太倉衛屯田三百七十三頃四十
一畝三釐正糧七千七百三十五石一斗六升一
合八勺二抄鎮海衛屯田二百八頃九十八畝六
分四釐八毫正糧五千九百十六石三斗七升三
合五勺二抄此屯田頃畝賦入之不同者也是皆
因附見之

太倉鎮海二衛軍營界四環列裏城下有二重及三
重者惟百戶得雜居其中各治其所屬營各有廟
奉神亦以百戶主之遂使兼爲廳事營界之大勢
固分識二衛然太倉衛軍營有列在鎮海衛軍營
地者鎮海衛營列於太倉衛營地亦然以地界之
廣狹言則太倉衛爲廣

官軍居塚地

數詳田賦志

周文襄公忱丈量編派原額五

升起科本衛官軍俸糧支用耗米民差俱免蓋居
塚之地原無利息所以優恤軍士之意嘉靖十六
年知府王儀誤聽里田誥告俱作二斗八升起科
派入會計又每年編出丁田銀兩不勝困苦通判
包梧不諳政體議以十畝五畝編充里甲時掌印
指揮武尚文汪應麟查照洪武永樂年間編冊事
例不許變亂版籍申請撫按衙門准行本州判官
李乘雲勘免兩衛官軍稍安

教場先在小北門內周六百九十四丈後爲州治遷

張涇關東舊倉基有演武廳將臺及關公廟

吳淞江守禦千戶所洪武十九年立統十百戶所

之東南曰軍器局西北曰演武場中爲將臺臺之

上曰演武亭撫按每考選太倉衛指揮一人總其

事嘉靖十八年秋七月三日風濤之變吳淞城東

北隅傾于江男女壓溺者五百餘人十九年兵

備副使王儀相其地謂吳淞雖領於太倉衛而嘉

定上海二縣實藉以爲防禦計城不可久圯廢也

因議去城百餘

步復築新城

崇明守禦千戶所洪武三年立永樂十四年倭入寇

發鎮江鎮海二衛百戶十員率軍士千餘人往禦

遂隸焉今統二百戶所所署在惠政坊教場在

城東北內有將臺及演武廳

劉家港把守官軍營舊稱水寨元時置分鎮萬戶府

於江北岸又於南北岸各立萬戶府凡三區至

國朝罷萬戶府置巡檢司正統初年金山有警巡

撫戶部侍郎周忱與備倭都指揮翁紹宗議此爲

吳地襟喉乃設守寨以蘇州衛指揮一人千戶一

人百戶二人統軍衆五百人海船八艘春秋分番

備倭巡哨又開築教場成化十八年都指揮郭鈺

復增建城堡廳房久而圯燬嘉靖二十二年巡按

御史舒汀命太倉州同知湯拱重構官署數間軍

房百間鎮海衛指揮一人百戶一人軍餘一百人
戍之

十鴉港把守官軍營舊於蘇州太倉鎮海三衛輪委
指揮一人百戶一人統領軍餘百人春秋分番戍
守今惟以太倉衛指揮一人百戶一人率軍餘二
百人歲爲更代官署十二間軍房二百間池壑鑿
於城堡之內

南沙守禦官軍營嘉靖十九年南沙盜平上官集議
奏請於南沙樹建營寨每歲春太倉衛指揮一人
千戶一人百戶一人軍八十八人巡守備禦秋鎮

衛官軍亦如之

茜涇巡檢司在茜涇鎮即宋之楊林寨吳元年改爲
巡檢司舊隸崑山今屬于州

唐茜涇巡檢司在州城東北五十四里即崑山鎮巡
檢司洪武七年設成化間遷置東花浦口今隸于
州

劉家港巡檢司在港口瀕海洪武七年設其廨宇乃
巡檢張于建舊隸嘉定今屬于州

甘草巡檢司在甘草市洪武七年設舊隸常熟今屬
于州

煙墩二十有六卽所謂斥堠屬茜涇巡檢司者六曰
茜涇墩曰楊林墩曰結字墩曰十里墩曰藏字墩
曰秋字墩屬唐茜涇巡檢司者十二曰日字墩曰
向字墩曰露字墩曰秋塘墩曰職字墩曰空字墩
曰風塘墩曰寒字墩曰同字墩曰吳字墩曰李字
墩曰上社墩屬劉家港巡檢司者六曰楊子墩曰
薛門市墩曰小錢門墩曰二十三都墩曰二十五
都墩曰二十六都墩屬甘草巡檢司者四曰黃洪
墩曰唐茜涇墩曰錢涇墩曰鹿鳴涇墩
城中巡警鋪三十有六半屬太倉衛半屬鎮海衛而

州則總之其宿鋪司夜者不問軍民惟以本鋪
管里巷居戶輪直嘉靖三年以後知州劉世龍等
以鋪多則軍民胥擾不便乃損之并而爲十有八
俾二衛亦各司其半焉

城上巡警鋪六十有五又謂之倭鋪每鋪以百戶一
貢典之亦有兩百戶三百戶共典一鋪者自南門
城樓右第一鋪東循歷朝陽門復北環抵東門之
東北隅鋪凡三十屬鎮海衛百戶自南城樓右第
二鋪環歷大小二西門大小二北門至東城門之
東北隅鋪凡三十有五屬太倉衛百戶嘉靖十九

年增置一鋪於故小東門城上則亦典於鎮海衛

百戶

歷代武勳紀

董搏霄字孟起真定藁城人性耿介剛明少以名家子入國學選爲中書省宣使至正十三年海寇侵擾太倉立水軍萬戶府鎮之搏霄由江浙行省參政任水軍副萬戶事十四年二月海寇方國珍以蘭秀山賊千餘艘來寇搏霄督戰艦禦之獲賊數百人梟首於劉家港及半涇由是賊不敢犯境劉廣先世蘄州羅口人元末海內兵興廣即以軍

士屬宣寧侯曹良臣臨事不避難以勤慎見信任甲辰奉旨以千戶守太倉大軍圍蘇州廣率所部摧堅挫銳數獻俘馘張氏之敗廣與有力焉洪武四年

太祖以廣有功擢宣武將軍永平衛指揮僉事

朱文無爲州人吳元年設衛之始爲指揮同知時除十千戶以文統之文勤於其職洪武二年率衆殺倭賊於沿海軍聲甚振後陞後軍都督府都督吳積靖遠侯洪武初開府太倉總督海運讀書好士凡公館船塢甲杖庫諸公宇在太倉者皆其建

置次及亭臺之設惠愛猶存

陳瑄字彥純平江伯永樂初總督海漕喜覽典籍禮賢惠下人心翕服後建議疏鑿漕渠功尤峻偉後世議者謂陳恭襄綜理之密

王璘字廷用鳳陽府定遠縣人任鎮海衛指揮會事讀書善騎射宣德二年交趾梗化

朝廷命將討之時本衛指揮周基年高而與璘戮然曰衰老友行而少壯者坐視豈臣子効死遠隔之心耶即日代行從安遠侯柳昇抵昌江戰屢捷次日酣入巢穴值大雨泥扞馬足死之

武政字維德大父膺從

太宗征討累功燕山右衛指揮調鎮海衛政嗣職性警敏好誦讀究心當世之務天順間巡撫都御史劉孜奏保兼督太倉衛事兩衛軍卒無不傾心將老即告閒所居有山水花木亭榭之勝能詩文一時名人多樂與之遊倡和之什至今有傳

馬子龍字應乾太倉衛指揮同知以平寇功陞本衛署指揮使嘉靖二十四年秋七月子龍職巡捕適反獄之變子龍遇賊於劉家河戰死之巡按

史奏請

旌其忠仍優給其後

平海事蹟附

瀕海之地多盜患故其事以平海爲大太倉東瀕海海盜入婁江則太倉先受患上官之議用兵者必從太倉集謂平海之績不當紀之太倉邪太倉之屬縣曰崇明崇明之諸沙雖號有盜然盜之渠率亦不盡出諸沙江海中流劫爲姦者率多詐稱沙民耳故歷世以來其著名於盜者當各識其里縣無令沙民獨蒙其惡也按晉咸和中賊帥張兪掠吳城郡人顧榮爲揚威將軍自海虞由婁縣東

會破之師雖由太倉然未及海我朝正德七年霸州巨寇劉宸艤舟狼山盡破於風濤爲北來追兵所滅雖至海未及太倉太倉之水軍亦未嘗與戰奏績永樂十四年倭入寇舊志但云發鎮江鎮海二衛百戶十人守崇明亦未嘗迫太倉恐外國人浮海即還非江海中群盜比也之衷謂紀平海事當自元至正間方國珍入寇始

元至正間平海一事

黃巖人方國珍元至正壬辰三月十三日率海島貧民千餘艘突入劉家港燒海運官船無筭十五

日直抵太倉大肆剽燔浙省叅政寶哥樊執敬領
兵數千來援次於崑山遣平江奕十字軍爲前鋒
至張涇橋遇賊即潰賊勢益猖獗大掠至武陵橋
橫尸塞途盡得重貨去十四年國珍復率蘭秀山
賊入寇水軍副萬戶董搏霄率衆禦之斬賊數百
於劉家港及半涇自是遁去十六年張士誠據平
江市民丁仲德盜州印降附授僞州尹時國珍已
歸元爲海道防禦萬戶尋奉檄統溫台明三州舟
師再趨太倉稱爲克復士誠以民心未附遣僞將
呂珍守衛子橋築營濠梁之有漕戶倪蓬頭者

率衆爲內應自古塘西來出呂不意
之呂僅以身免時三月二十日也後七日士誠遣
僞將史文炳屠太倉烟焰漲天千門萬戶俱成瓦
礫矣及國珍退兵士誠乃招集流民復業始築城
爲固守計既而士誠因中丞蠻子海牙歸附江浙
行省丞相識達鐵木兒以便宜行事除士誠太尉
僞將次第歸正國珍復集三州舟師大舉入寇士
誠仍遣呂珍率兵開門迎敵殺賊於半涇浮尸蔽

江水爲不流自是海盜不復窺太倉矣

之表按舊志云自是

海盜不復窺太倉考之葉文莊鎮海衛記謂東倉
瀕海自方寇後抄掠之患不絕則當更海盜爲國

珍等可也且國珍後已歸附其三子皆爲顯官豈海中他盜等伍邪自國珍後小盜雖未嘗息然未經奏聞及非官軍平之者則不可枚舉其舉一而叙之者亦必紀其始末庶後之戒者緣以得其情耳又嘗聞故老云國珍入掠未嘗恣焚而謂民毋悉成瓦礫恐亦記者之過也


國朝成化以求平海數事

鎮海衛小卒劉通少年服役爲官奴既壯長身有勇技不畏矢石駕六舟販鹽江海他剽掠及販匿盜者必曰我劉長官船於是通之名日著通一日出偶值二商坐水濱哭問之商曰我商人財物盡爲劉通劫去故留此悲慟耳通曰我即通也問盜所往遽追及之叱盜止舟悉收縛投之水金帛盡

以歸商然通竟不能自解成化十七年操江都御史白昂忠通強議發京軍捕之兵部尚書陳鉞以問職方郎中陸容對曰通水盜也用京軍何爲必用之則所過擾費民將弗堪誠如某計則一衛官可平耳昂既不得請乃與撫按諸臣會太倉檄召舟師遠近咸集通所恃六舟每官軍出追則揚帆走止則下碇無如之向上官並爲宥贖授指揮使武政持往諭之政素知通篤於奉母而厚善其故人即單舸攜其母及故人至海上呼通出示官文與爲不死誓通泣拜請降昂聞報坐學宮召見通

復縱遣率其眾歸既而遣通至府城遂執送京
師通悔恨就誅餘悉不問

崇明縣人施天泰天常兄弟四人居縣之半洋沙其
同縣董侂家富而舊天泰等出販鹽江海還必厚
遺侂後漸易侂怠於歲餽侂怒以弘治十七年春
西潛見知府林世遠言天泰等爲盜不速除後將
難制復請身任勦捕之責但求得公文耳世遠懼
激變不許侂力陳其不足平然侂謀洩竟以僨事
上官始上日求捕列戰船數十於婁江南館前秋
七月十五夜月當食州衛官有事於公天泰等遂

以夜分乘潮督十二舟入大譟趨官舟縱火西驅
至爵子鋪乃還鎮海衛千戶胡鉞匹馬馳至江上
而械器帆楫已半燼烈焰炙都御史魏紳巡按御
史馮允中等檄世遠及知州翟敬議擒撫之策天
泰卽就招咸知其爲讐家所激又獨降奏免其死
傳戍滇南衛而其黨施安鈕東山西山等踰年勢
復猖獗於是都御史艾璞巡按御史曾大有巡捕
御史  按察僉事高江備倭都指揮王憲並駐
節太倉大集舟師遣州衛等官統率出奮擊俘斬
甚衆鎮海衛指揮陶綱統右哨軍追賊獨遠忽相

驚視舟中之人貌盡黑蓋所謂溟海云有賊舟挂帆直下官軍大譟攻之聞無一人猶疑其有伏不敢上有悍士躍而登則惟群豕及米麥而已始知賊巧為緩兵計也沙民懼兵大掠男女多自縊號搜沙之役捷奏官士升賞有差改半洋沙為平洋馬腰沙為馬安

鎮江圖山等處賊董效董政施道士袁塗等聚徒流劫嘉靖三年春正月鎮江衛指揮樊邦勇千戶劉欽俱被害兵壯死者甚衆操江都御史伍文定巡按御史王杲巡江御史王木檄所司協力勦捕太

倉州知州劉世龍

募民兵治舟器給糧餉

知何華遲馳赴圖山

等所謀賊追捕二月七日殺

賊施道士等二人

繼擒獲董效等百人十六日

縛群虜入太倉

日夜半地動有頃而止州人

陸之衷以捕盜

海濱豪黠龔銓輩恐衆中當

有寃遂因地震之

上書世龍其書曰

月之望夜將子矣左聲忽作動搖我牀戶頃而止

陸之衷曰鬼魅哉五乎妻曰此地動也昔者弘治

此固我所知也始作旦必有我告者既旦集家

出問於友友之言如鄰婦也聞巷遠適以讙呼異

哉震之繼乎又問於僕者動之始慮也南方有鼓

吹聲何也對曰市人皆言從戎之士獲海盜數十

人以歸泊戰艦而寒我樂耳今惡在日且迎入日
 然則地之震也其兵乎弘治之季盜入焚我師
 舟上官下士盡策者謀驗年驅耕夫募勇武賊之
 末者赦無殺逆者謀驗年驅耕夫募勇武賊之
 戰劇自齊魯而下全馬操樞元戎檄東南之舟師
 舟師驕敗績于江是時江之南北固不騷動者師
 畢集寇窮殲于狼至大風作破其舳艫我師乘而
 戒之亦踰季而後微乎仲夷竊有感焉壬午之根
 集焉則是震也非微乎仲夷竊有感焉壬午之根
 風見者無翁癸去早逸者無農散食茹草之根
 脫以男女易飽不求浮尸食魚暴飲食茹草之根
 焉差乎能保民之不益乎其誠為盜者殺之可也
 其或有脅從有不辜亦將并而誅之乎殺者弗殺
 召之來者弗殺脅從者弗殺不辜者弗殺疑者弗
 殺殺是五者弗祥此儒將之術仁人之兵也故曰
 治盜不如弭盜能弭盜則民足民足則盜遠矣馬
 用殺殺惡以進善者上殺賊以衛邑者次之殺人
 以要賞者不取也矧驅菜色以攻邑者邪驅菜色
 以吹菜色是率未形之盜除已亂之民也且執賊

辨具方為亂者也槩而執則人必懼懼則貳貳則
 變變則為慮多矣僕者曰然則如之何曰是在官
 人者察之爾降者召之來者曾從者不辜者疑之
 皆赦無殺殺其反是者餘則撫之何盜憂獎感其
 舍吉事之徵也君子寧不以地變而思曰君子思
 不出其位曰吾將告于州大夫大夫曰將告於上
 曰達天曰膏澤下破北以南豈徒弭盜而已乎
 曰請入告表也敢齊宿告于執事其何以復我
 世龍稱善然不敢自讞械送蘇州府知府胡績宗
 翰於庭果有誣執者遂原之浹旬間計格殺生獲
 者百七十有四人上官爭以捷奏頌賞有差

崇明人董公有五子琦最少而好暴王棟顧文義與
 琦同縣而名復相軋琦兄弟忌之琦居瀕於海棣
 文義距太倉城南數里居瀕於江嘉靖十二年宋

佐者與琦有憾琦仲兄璨性尤狡喜談兵說琦執
佐召文義爲佐講解先殺文義殘其家次及棣二
子誅則可以逞矣是年十二月十四日琦家大治
具海濱富戶長畢集招文義與其父楠楠懷百金
先往將贖佐琦候促文義文義上馬馬忽蹶棣以
爲不祥止文義行不聽而往入坐將飲琦使倪漢
誘殺文義門外投尸於水坐客驚愕不知所爲楠
仆地號泣遂縛楠及佐着船頭中琦與兩兄璨璉
率衆千人揚帆入趨楠家楠從僕有獲脫者馳告
家人皆驚惶投棣棣與顧文忠文禮等亟集衆呼

琦夾水言無殘燬楠室爲邨里害璨璉琦留信
亦患爲棣等所乘掠楠資重以去璨號楠佐爲賊
械送之官賂械卒椎擊楠幾殆棣懼琦等當復至
益募悍勇日夜守衛村落琦果驅舟三入官軍從
城上望之且怖且疑棣以衆迎敵緣隄而陳兩持
莫先犯居民靡寧上官每召諭二人棣輒至十三
年閏正月晦日璨乘小舟西行過許墅文禮潛躡
其後大呼關吏以報府知府王鴻漸使健騎取璨
繫吳縣獄都御史侯位坐崑山力招致琦棣琦既
見復東文禮邀於新洋江執琦西走府城泣見巡

按御史李鳳翔文禮琦分繫衛縣獄位素抑棣而右琦至是益怒顧族捕杖文忠後亦杖殺璨當是時琦棣各有黨刀陳三者黨琦王舜民等黨棣位按太倉使人招舜民懼不肯來既而知州楊儒魯復摺之舜民以儒魯坦易可恃率其衆報名公簿沈兵獻舟束手歸欵位具奏言舜民爲賊首惡以兵劫良家女乃以十四年夏五月獨斬之府治西吉利橋舜民當斬號呼稱冤巡按御史郭宗臯奉使至吳未旬日心獨哀矜而不可回矣琦棣並充戍卒餘黨則咸貰之琦踰年潛回爲叢祠祝仇家

知之捕送於官斃於獄後棣亦潛回兵備副使王儀方召募平南沙盜者棣得從官軍已而失事逮繫京圍充陝西涼州軍復從涼州歸海濱人聞棣至度其田廬已廢不可立遂說使復叛塩浮海州人患之知州馮汝弼召獄囚顧翼曰得棣贖汝死翼奉語惟謹棣偶過沙頭市與故人語翼遂執之以來汝弼械送之府繫獄棣憂懼不食而死嘉靖二十二年也按察僉事州人陳如綸馮侯弭盜記

曰吾太倉屬邑有崇明邑旁有三沙鼎立巨浸中重險絕遠恒易伏姦比歲秦藩王良據南沙構亂所司請兵平之其餘黨多逃竄又據王棣者爲長操鐵鑪挾器械沿海入江以販私塩爲事棣故

稱使多智畧恩信結人心腹由是江南北假其姓名猶能嘯聚羣不逞橫行剽劫莫敢誰何江淮督撫諸上官議曰翦惡在萌遇亂于漸棟不持爲推理劫掠之雄已耳早圖恐潰後馮侯謂其警自戒嚴遂集境中耆碩策焉或謂撫之便或謂勸之便侯獨奮然拊案而起曰吾策已決必豫滅棟則此屬無能爲矣然可以計取未可以誣坐死刑侯於是召願翼者授以計翼本追胥以誣坐死刑侯察其可用縱之去又遣兵策應以防奔逸再越月翼果禽棟矣侯又謂棟既禽而餘衆未可窮治因而弛禁蠲罪其衆始盡散而復生業時弗克密兵某日也予惟吾州有璠良之亂所謀弗克密兵寄匪人一與戰即以敗績渠率益猖獗震動京師議設江淮總兵募邵卒僅僅斬獲玉石罔辯且吾民力疲於捍禦財匱於供億廬舍蓋藏蕩於焚劫警生息長養數年或未能還其舊也茲也聞棟之警莫不惴惴然喪其有生之望幸而有侯不動聲色不糜金穀不試兵革於從容談笑之頃而能殄茲劇盜以奠我州人以紓東南之憂君子謂

茲役也有四善曰任事之勇曰持謀之審曰用人之宜曰取功之廉夫四者而侯能兼焉則其解難而底績弭盜而綏衆非偶致已州之僚湯君拱劉君晟丘君仲慶盜之平嘉侯之績謂不可無所紀也屬予爲之叙記如此侯名汝弼字惟良起家進士爲給事中著直名丞瀟山尹常熟移餘于今茲吾州咸有善政茲不備書云

通州人秦璠常熟白茅人黃良並居崇明南沙南沙廣十餘里長八十里歲多取稻菽萑葦之利亦鳩來攫魚塩爲姦其同縣富戶號耆民者十餘輩日夜詣官府懇璠良等爲盜狀蘇州府知府王儀習聞之及擢兵備副使守太倉使人招璠良等使者詣璠良所言官府法甚嚴言不足信璠良等疑莫

肯來及回報則又言璠良等勢強盛不畏官府儀
乃大集江海船備攻戰之器使太倉州判官石魏
太倉鎮海吳崧等衛所千百戶勇武善射者六人
富戶號者民者十二人分五營爲捕盜計密戒魏
等賊舟出沒惟將六洪口堅守蔣六洪口賊舟不
得出食乏自降無輕動卽與戰當以號衣衣之可
以辨識六月二十七日魏等率舟兵薄南沙二十
九日風鼓浪播舟魏患之西洋江陰者民吳嚴等
勸魏不如速捕魏因與定計平明嚴等驅其衆蹈
泥漲升岸急與號衣舉白旂招衆下衆莫肯還忽

茲役也有四善曰任事之勇曰持謀之審曰用人
之宜曰取功之廉夫四者而一能兼焉則其解難
而底績弭盜而綏衆非偶致已州之僚湯君拱勳
君晟丘君仲慶盜之平嘉侯之績謂不可無所紀
也屬予爲之叙記如此侯名汝弼字惟良起家進
士爲給事中著直名丞濤山尹常燕移餘于今茲
吾州咸有善政
茲不備書云

通州人秦璠常熟白茅人黃良並居崇明南沙南沙
廣十餘里長八十里歲多取稻菽萑蒿之利亦鳩
衆攫魚塩爲姦其同縣富戶號耆民者十餘輩日
夜詣官府愬璠良等爲盜狀蘇州府知府王儀習
聞之及擢兵備副使守太倉使人招璠良等使者
詣璠良所言官府法甚嚴言不足信璠良等疑莫

肯來及回報則又言璠良等勢強盛不畏官府儀
乃大集江海船備攻戰之器使太倉州判官石義
太倉鎮海吳淞等衛所千百戶勇武善射者六人
富戶號耆民者十二人分五營爲捕盜計密戒魏
等賊舟出沒惟蔣六洪口堅守蔣六洪口賊舟不
得出食乏自降無輕動卽與戰當以號衣衣之可
以辯識六月二十七日魏等率舟兵薄南沙二十
九日風鼓浪播舟魏患之西洋江陰耆民吳嚴等
勸魏不如速捕魏因與定計平明嚴等驅其衆蹈
泥漲升岸忘與號衣舉白旂招衆下衆莫肯還忽

騎賊率衆突至以長鎗刺岸上兵爭蹈泥還走賊
鼓譟縱火嚴等舟差小膠淺沙者俱被焚他官者
舟二百餘大亂多爭舟殺傷溺死者遂敗璠欲乘
勝犯州境良不從曰守此尚可求生苟壞大事則
無赦期矣薄暮西望劉家港千桅屯集皆縣燈其
上賊謂官軍退守於此遂不敢動然實無也人以
爲神所衛云賊野祀羅酒肉有鼓吹手數人在虜
中令作樂爲歡皆大醉斲卧魏等還儀數其不用
命杖之有人詐爲賊書夜揭南京衢巷語多不遜
守者以告於是南京言官爭抗章且遍報貴近咸

以爲姑息久宜大懲創 詔使錦衣衛百戶黃錦
將校尉數輩至太倉收魏等失事官者十九人械
送京師繫刑部獄以湯慶充總兵官使東捕賊慶
邳人即選邳中兵千餘東渡儀聞慶將至與知州
萬敏計敏請擇威信足以服盜者涉海諭賊使來
即不來庶可携其黨儀念莫有過敏者遂以屬敏
敏乃以八月十三日躬涉巨海至南沙會潘良他
出敏召沈惟良等皆囚服見夜宿興教寺惟良具
饌以進敏留惟良與語開諭甚悉十四日敏步覽
諸賊策諭其婦子咸拜泣願從潘等歸命十五日

夜分後潘良始還明日召見與語不信敏即日登
舟潘良步送至沙際望拜而泣自是潘良疑惟良
有異志惟良亦欲執潘良以自贖數以消息通敏
敏藉以豫圖九月總兵慶及巡撫都御史夏邦謨
操江都御史王學夔巡按御史趙繼本巡江御史
周倫備倭都指揮李俊輩咸集太倉相機布畫儀
晝夜憂勞舟師屯列城東石婆港器械山積先是
有宋高王武者長於潘良高武降諸酋始推長璠
良至是惟良患謀露被害亦脫走來歸璠良度不
能免始出焚掠北入璜涇市南入吳淞江繼侵七

鴉港將至沙頭鎮以潮落而還所至戍兵望賊驚潰然賊舟惟二十有六無被甲執弓者懼官軍出攻日聯舟阻劉家河慶留太倉浹旬不出邗謨等數促慶慶以十一月四日出兵夜與賊相距數里泊舟平明率舟前官軍望見賊鏡甚猶不敢進慶乃舍所乘巨舟登八漿船呼拜其衆奮力無內顧有舟長小却慶即令截其耳於是諸舟競進官軍雖十倍於賊先以二舟精銳嘗賊賊迎鬪我師亦將比後舟擁續不斷賊竟莫能支而逃日過午海潮忽生賊舟不能去慶令追兵截而文之賊復回

迎戰遂圍之數重萬矢如雨烟焰障天李俊等搃龍鬚鎗格鬪斬首二百餘獲舟二十有一番死良等以五舟遁去儀敏縣千金募人誘殺良王洪宋高陳熙罔良黨宋文盛殺良來奔敏復從慶儀至南沙邗兵爭殺老弱冀賞敏亟矯兩公令人四馳呼曰今日之事生擒者有重賞殺人者有刑邗兵始棄蹋所斬首泥中俘其生者二千餘人慶令縛送軍前敏復爭以爲宜辯玉石因自請鞫凡非有名繫賊牒及稍老羸者皆釋之得其真爲盜者百七十人時論以敏爲得捷聞官軍升賞有差自

內閣諸公亦多受賞者高武戍竄惟良以降當賞

巡按御史舒汀竟論奏殺之知州萬敏太倉州平

海記崇明諸沙負江阻海利私醜者恒世其業不

其期也當事者往往誘誅其首惡數人餘悉貸不

問千人為盜自成童至百其不見殺也乃我聖

天子御極之十有八年征詞不廷戎兵四詰諸兇

非戰習為剽劫兵憲肅蒼王公弗之是也聚舟師

客貨戕遷者數人飛檄連報言者聞於朝公復

與中丞兩洲王公松泉夏公侍御蒙泉趙公東山

周公議皆合遂謀大舉凡吳淞七丁白茆等河各

設防守而重兵中於劉家河齊守數月賊食且盡

時委官石魏徽以殺虜為功輕率不謀晉師弗戒

數百艘波濤於海中賊勢益張至為逆言揭之留

都等處兩中丞公肅蒼王公俱為言者論列章交

上聖天子若信是醜不足煩大眾以徧師臨

之曰汝湯慶實往與撫臣協議悉俘以來毋得

多召募明賞格械器精煥固有供復謂敏曰

有使成命脅從何辜汝能論使伏去以刑陽丞張

思義相汝予曰唯乃八月十三日劫惟沈首率諸

爪賊巢黃泰二賊眾已出行劫惟沈首率諸首

伏謁予呼沈等至僧寺諭之曰汝能擒兇獲者百人

暮召沈至榻前密諭之曰汝能擒兇獲者百人

以

以

以

以

以

以

以

以

以

以

以

以

以

以

以

以

以

以

以

以

以

以

城趙周二侍御屢促出師兩中丞公笑曰小勝不足憂賊破必矣姑候之至十一月二日二公霜報曰明發具祭儀犒具於天妃宮必毋反為予曰唯至朔城已先發沈酋乘間欲率兵攻吳淞江將指上所挾跳身遁來倅賊追之乘勝攻吳淞江將指上每至某地而返明日午城折二十九號直抵刘家河與師俱泊河口又明日凌晨我師將發為賊所乘前行者稍急賊不支棄去餘賊奮而前敵數十小艇圍而射之賊不支棄去餘賊奮而前敵數十日海波不興萬里如鏡予立馬而觀自辰達未及之於大洋圍之數重我師銳砲亂發海水為弗頤刺賊群賊於海中其不投溺者得佚去長賊所統也次日我師復收兵入城中丞侍御總戎兵慮公援議曰乘其敗而躡之大有功其後可不煩兵而擾民也至二十二日發舟師泊天妃宮二十四日早子從肅卷王公總兵湯公翰指揮解明道詣正以舟師自此道入都指揮韓平李俊以舟師自南

道入及午登沙餘賊或降或遁無敢抗我師者予以兩州公所遣善射者百人從以先登則南師以矛棘首級來獻者相屬予亟矯兩中丞侍御總戎兵憲公之命號於眾曰今日之約以生擒為功其分告級來者無賞且究真偽罪之以所從百人者送士官司肅菴公湯公命予立訊之予察其舊無名及稍羸弱者釋使亟去得為賊者百七十人繫之舟中以歸而世習黠盜無子遺矣嗚呼聖天子賢宰相睿柄斡先為江如立億萬載之防兩中丞公之算無遺策而鎮靜如山湯公之驍勇沉毅一時之英也然使賊得志於憂逞而終蹶之者何邪天將甚其罪以重神人之憂而激我師俾書飛爐滅而後已耳予夫任歲餘恐遂湮滅追而書之俾刻石海濱嗚呼負東溟重險而挾鴻鹵為利不知適為禍機也後之狡焉不監察御史州人陸義思欲一逞者視此可以鑿矣

瑚平海百韻

粵維吳郡為古閩閩東瀕滄海西環具區是曰澤國財賦所都文勝而靡

柔勝而茹叶詎知兵革寧因征輸亦有治境在海
 一隅猶之費洗痲瘵乃軀風氣悍悍動輿法逾依
 沙據險如扇負岨群射利以益以魚其則嘯聚
 患豈穿窬伊昔倡亂施鈿既屠潛滋者蔓未殄根
 株每勤招撫焯日以噬為姑息者若毆爨計
 璠良終焉潰疽剝膚之災海道實虞募兵發糧及
 襲其虛任原匪人運過越起姦細乘之竟以卒予
 命始授錢上開天子為巧相有成算天子曰俞
 止膺此百須網維攸賴贊畫與俱樓櫓旣集兵騎
 既儲蠶茲已命及釜揚鬚鯨奔狶突掠市燼廬江
 解曰往所遇為墟全吳岌岌駭迫淮徐貫其盈夫
 矣兵氣一鼓羣謀而趨天風濤湧若或翼且上游
 是據決勝須臾且擒且刈或漂或濡殺氣連雲黯
 淡而舒浪花雪色滅血為淤遁逃者良粟亦有狙
 窮見窘艱賞計誅海道之功允不可誣于時乘勝
 直擣長驅汝盪以平東海晏如帆收捷上張燕為
 媿爾牛崇酒犒士休飭羣策畢舉主憂已摠擬
 賦東山載歌出車功先建議褒以壘書賜金增秩

兩撫並殊江防海道資及其餘乃開督府為江
 福以奠南服以利漕渠以永保障以杜覲覩閱
 失律戍嶺崎嶇昭哉國典不揜瓊瑜遺孽電掃
 姑息風祛民之洵洵而始于我暴其野遘其歸
 與幸矣相保連恤我庾補頽者歛戲既蕪我
 東鄙切勸而道哀衰發補頽者歛戲既蕪我
 苦追胥堯仁四沛向隅鬻紵引領詔赦和氣
 困枯一將功成觸體載衢百爾君子曷是之偷自
 今伊始戒在衣枷所貴親民示以毋謂叶知無謂
 方一視吾孟衣掖而虱衣親民示以毋謂叶知無謂
 氏愚母謂俗沿母謂教迂治勸以察化蜀以儒歌
 鄭以誇烹阿以譽因時劑量與地乘除任又化洽
 將無齟齬叶問作自苟吳端委以治何至滋蔓則
 難圖文身之俗本自苟吳端委以治何至滋蔓則
 夷欲往疇非吾徒彼詎馬牛終愛襟裾不有作者
 孰為之與是在遴選母格之拘或謂遷客先聲易
 符或推或拔無執一途其諸僚佐亦戒匪夫沙洲
 四附每背而徂佐令荷賢分部行吾戒匪夫沙洲
 佐爾梓奉揚聲教薄海覃敷功深不火紵紫拖朱
 一方懲勸多士之模其諸備禦適恣侵漁不激而

變則縱而直悠悠梓里渺渺
 愁余昭勲德亂在慎厥初
 事南沙碩夫不滿千恃險攫貨爭魚鹽推牛殺狗
 亦耕種黃蘆白蒿波連天海濱着豪利兼取逞
 技獻謀官府前喜功愛變守臣職撫召不聽心煩
 煎兵舟閱送文武吏炎捐披驅擊鼓各歸軍相清
 不相協遇賊出關戈矛捐披驅擊鼓各歸軍相清
 道路離相傳誰為賢書揭都市臺司受誣盜亦冤
 南畿咫尺路非遙惜無一人能照姦稱王命將何
 等語鳳樓跋入驚雲旋重華震怒遣使者
 械繫失事諸官負紅顏白髮哭相送秋權擁來西
 節旣夏曹薦出總兵者幕府聊分邊將權擁來西
 兒半降募提兵過市同饑為群愚心知罪難免始
 從華屋搜金錢瑣涇市上換殘衲吳淞江頭焚戍
 船阻攔朝防貳廟出吹擊夜惱蛟龍眠我師揚舠
 復停泊欲出不出期頻愆太倉孤城上官蒲騎兵
 劍客相喧闐家家月黑宵鳴折巷巷風寒朝執鞭
 霜臺按節問武帥今日舉事何迤邐群盜廿舟無
 帶甲官軍百戰多控弦江郊犒師萬石饒州門首
 二千金縣戎人戰蓋等山積嗟兩廟牙胡敵

分尊食曉出海賊舟一字過津連將軍拜呼
 葉顯夫感激爭相先人生自古為天幸巨海浪
 如平川龍鬚火鎗雖羽箭騰烟迷日衣皆穿紛紛
 溺水急釣取斬首二百汝師還金珠銜艦喜誇捷
 小教場中開舞筵將軍懷穴未返轡御失人從誘
 益堅昨朝通寇半猶在軍懷穴未返轡御失人從誘
 賊絞首長牙旂夜報風翻宮祠刑尸若兒戲剝
 剝淋漓談咲間登沙遍郵畫縱火老稚婦女殘刀
 戒官牌下令要生縛十無三四稟輕此軍重獨榜
 臧橫受降釋枉哀危顛南軍樂輕此軍重獨榜
 豈是棘門偏捷書違聞九重喜玉吉急下飛華
 鞏守臣除罪各加俸相國亦賜官羅鮮鮪濟餘鹽
 窟絕域願還海縣民同編移文此勦屢乞藥莞江
 成兒歸扣舫儒臣祗同贊畫奇勦屢乞藥莞江
 真情自來幾人達湖海只應漸昔賢三冰誰獻誓
 安策民開義壑軍屯田魚塩禁弛戰鬪息坐令斥
 埃銷烽烟郵郵雞犬映花柳婚嫁締結朱陳綠鳴
 琴提壺變習俗瘡痍疾困因茲痊書生作賦紀平
 海嘉靖時建庫于年玉堂太
 史訪邊事于詞合入等碑鐫

太倉人王泓嘉靖二十四年與沈珙各相許告江海間事泓弟海珙之壻也以兄弟故不輔珙而輔泓俱繫州獄太倉衛舍餘傳好義及諸罪錮難解者日同聚泓海謀劫獄以出無間秋七月三日日將哺賊黨詐爲投狀者雜衆中會兵備道械送江陰人許貴至泓海與好義等知内外有應即乘勢破獄門出州庭大譁從小北門夜東馳至海上時巡按御史呂光洵適駐即太倉聞變與兵備副使款璠遣太倉州巡捕同湯拱太倉衛巡捕署指揮使馬子龍追之知州七佐太倉衛署指揮僉事

文相同校視獄囚云去者三十餘人光洵璠開院門列兵衛坐幾達旦泓海貴好義等得六舟馳騁焚掠十六日入劉家港子龍等迎敵賊驟至衆潰趨六里橋子龍猶睨立不去賊以長鎗從後刺殺之先是賊相與謀曰往年秦黃輩無謀坐而受縛今我輩僅百餘人不有速入示武何以少延幸官軍未備可至城南縱火使居民内外相疑然後奪舟兵順落潮而出是一奇也泓等既敗官軍於劉家港遂欲深入是日璠召士佐議具戎舟四十豐其餉餽舟集婁江南館前遣蘇州府同知周希程

及文相統領然尚未發湯拱等使人數傳報賊將
乘勝入士佐即領璠語令舟師戒嚴太倉衛指揮
汪應麟鎮海衛指揮武尚文以庠子攻南沙盜械
器藏庫中者給舟軍沈珙請從軍自贖相以珙與
泓海仇也可用遂使率其黨居前軍至龔塘港戒
諸舟前後相去數十丈泊中流無迫於岸以絕延
燒奔潰之患夜分月明潮壯賊舟果匿其壯士乘
潮直來有載灰船兒密報曰賊至矣珙覺因整衆
以待賊突至不意有備遂併精銳犯前軍珙衆與
奮鬪凡再合賊敗殺泓生獲海多被創溺死有散

而四奔者好義貴僅駕三舟走入海是夜璠與佛
倭署都指揮李杲坐東南門城上士佐及尚文應
麟陶甄等咸巡視督察聞謹鬪聲數里而近未且
捷果至即使人從崑山報光洵大喜各鄉邑爭從
草莽中搜獲逋賊獻不三日福山邏卒擒好義至
八月復從江陰獲貴時巡撫丁汝夔操江傅炯暨
巡江御史張詔皆殫慮効勤與光洵後先具書論
奏璠及相賜白金文綺大學士夏言賀璠平海詩
文章留歷聚奎堂兵甲仍誇范老鄉水上諸軍盡
亂廂海邊群盜失豺狼百年江左烟塵靜午夜天
南星斗光燄燄燕然勒平海褒功記春坊司直張
雄績老夫真媿筆如扛

大倉州志卷三

由劉家河泊州之張涇關過崑山抵郡城之婁門
磯馮回視蘇常諸郡皆坐腹裏保障則太倉實東
南一大藩屏也先是勝國未會通河未治朱清張
瑄以海漕之利得到萬戶諸路運船輻集州之關
口由劉家河出海以達直沽抵天津肇輪京儲則
太倉實東南一大都會也洪武初立二武衛弘治
丁巳始立州治得隸崇明縣崇明居海島之中諸
沙環拱魚鹽之利百倍他賈不逞之徒逞逞操舟
販易視為常業官兵捕急輒嘯呼旅拒右隅火戰
不以百數撫按請二姓警殺犯州節之右隅火戰
嘉靖丙申廷議以太倉濱海而治軍民雜糅非
得憲臣以董鎮之不可復設兵備道歲庫子秦黃
二姓發難荼毒海上居民撫按臣復會議奏請
亦半年而底定甲辰乙巳東海荐飢抱鼓數起州
縣督捕巨黠解道城繫州之圍周遂潛結黨與於
七月之癸亥偽為投訟牒者火入集州司即謹譚警
應破械而出竟走投訟牒者火入集州司即謹譚警
周侯風南越之姚人也以甲辰會魁簡守是印
丞請於常道調戰艦簡精銳具餘糧出器械扼險

要防走集十六日丙子馮子張涇關未刻發舟賊
畏已犯把港官進劉家河將犯州城矣時潮迅風
利舟行如駛我舟半道遇之出賊不意皆得敗失
措少時月升東壁我舟捷出居上流因風擊火具
賊煙焰眯目赴水死者若千人俘斬者若干人潰
走者若干人翌日所在械送者若干人計其造孽
之時財次旬耳侯乃擒士於庭繫弓於箭散舟於
民略無矜伐之色當道交章獎之君子謂是舉也
官不費帑民無告勞不旋踵而克獲侯之功其可
誣哉向使事因循而莫斷機逗遛以不發則近之
秦黃遠之施鈕皆未可知也吾民之禍其忍言哉
然此特今日之事耳董安于之治晉陽也公官之
室皆以鍊銅為柱實其垣也皆以葦蒿苦楚磨之
厥后晉國有難襄子奔晉陽矢發諸垣鐵鏃諸賢
卒安趙宗太倉諸郡之要衝也盜寇之所的資也
侯今日親歷勞以弭厥患矣尚當為異日之備可
也夫忠臣盡君不墜志於陸任賢者慮事必殫
於未形此侯之所當任者也固州士大夫所望於
侯者也而予之言亦不為虛也已

太倉州志卷之三

太倉州志卷之三

太倉州志卷之四

公署志

官必有署所以表位而建政也太倉立州昉自弘治年間其治之規制初建維新若他廨宇多因其舊然增修易置歲月後先惡可弗志而倉庾舖舍之屬凡在公者亦用附焉至於學校兵防則別自立類蓋以政教文武各有攸重固不可以槩而無分也

州治在城之北隅弘治十年巡撫都御史朱瑄檄蘇州府同知萬祥崑山縣知縣張輿常熟縣知縣楊

子器嘉定縣知縣孫璽度地城中得教場基因而
荆建知府曹鳳特為經營規制未幾知州李端抵
任勤心教督遂爾落成正堂三間三軒東吏目廳
一間一軒西會問廳一間一軒穿堂二間後堂五
間儀門中三間又東西各一間黉樓三間六房東
十二間西十間○鑿輿庫在正堂東○誠石亭在
儀門內甬路中○廣積庫在正堂西司庫房在後
堂東西○知州宅在堂後正中同知宅在東判官
宅三一在同知宅南一在知州宅西一在西南吏
目宅在儀門外東舊在西判官宅南嘉靖十九年

遷此○吏舍在東判官宅南四聯每聯六間各照
房科居住○土地祠在儀門外東偏獄神祠在儀
門外西偏○獄房東西共一十四間在吏目舊宅
南嘉靖十九年知州萬敏以其逼隘遷吏目宅於
今儀門外東乃廣其地而增置獄房高築闕垣嘉
靖二十六年署印同知周鳳岐申請巡江御史李
丕顯重修高廠俱用地板東西各增置一間○申
明亭在州前東旌善亭在州前西

新建太倉州治碑記柳州通判桑悅撰畧曰凡事
天警其機而人啓之天無為而無不為人為而實

無爲事若是成猶納履赤趾昇裘栗肌騁途之夷
應以車輿人心恬愉悠久永宜設若違天而行強
以智力爲之在人爲贅疣在木爲寄生人欲去之
惟恐不速也果能堅疑於無期耶天機之人成之
人之所爲即天之爲故曰天無不爲而人無爲天
人合一之道也太倉一名東倉在元時宣慰朱清
張瑄於此開創海漕市民漕戶雲集霧滄烟火數
里久而外夷珍貨棋置戶蒲萬室延祐元年遂徙
崑山州治於此十有六年張士誠據吳始築城鑿
池以禦海寇州治復移崑山我朝吳元年立大

倉衛洪武十有二年分衛鎮海並治一城衆議淳
城內外兵民糗居歲久脆勅莫時當設鑄鍵以爲
之防又兵緊歲荷戈時屢乏餼或有庚癸之呼且
崑山之東隍常熟之南維嘉定之北隅去邑稍遠
艱於追呼合三爲一并以崇明爲屬足爲大州安
民足兵計不出此弘治十年巡撫右副都御史朱
公瑄遂以立州事奏聞上曰俞廟議僉曰立
州非艱而成州維艱易之在人茲州之立賴有新
蔡曹公鳳爲才御史出守於蘇湖廣棗陽李侯端
登甲科官六察平生勁氣直節聞於遐邇因忤權

貴久屈下僚遂擢侯為州守侯至若門堂庫獄厩
宇學校橋梁壇壝公寓整造無遺著為成法足以
垂示方來當有紀述求余文勒石以垂永久予聞
國初有望氣者云此州當復興鄉宦高君宗本陸
君容皆作為詩歌以紀其實不可誣也然則上
天立州之意已久天何言哉以氣代言而已矣侯
今一新州治非成天意歟人心所在天亦隨之州
立之後黃童白叟輒輒熙熙數所便益咸以為晚
天心心并侯之心混而為一其成是州其果偶
然者耶

之化其民一興懷舊之心則州猶未新也新州云
乎哉雖然新之與舊相為循環千古在前萬古在
後茲州之新為後之舊苟繼侯為政者能鼓舞作
興新民之德又興廢舉墜不替舊規益光前烈則
州可常新也是非侯之所以望於後之同志者歟
察院在儒學西舊名書院正統三年初立成化七年
崑山縣知縣楊謚重建正門一座儀門三間正堂
三間三軒東西耳房各一間穿堂二間後堂三間
東西廂房各三間東西隸房各三間及有厨福等
屋弘治中知州李端增建方亭于堂後扁曰清風

今改曰籌海

府館在鎮民橋西長春里弘治九年蘇州府同知李復貞割文昌退院地基之半建

書院在府館西長春橋北舊爲二卿祠嘉靖十五年判官徐汝圭命今道正沈思鳴奉去神主及碑石

別建城之西隅因其所存殿宇堂舍改輯爲此

稅課局在海寧寺前元時已有之 國朝吳元年崑

山縣重設於此

子局五處一在城內四在石浦安亭兵壩茜涇鎮

陰陽醫學在州治前申明亭南舊廢嘉靖二十六年

知州周士佐修建

惠民藥局在州治前旌善亭舊廢嘉靖二十六年

州周士佐修建

僧正司在海寧寺

道正司在二卿祠

婁江西館在大西門外二里許即寧海驛故址正統

二八年驛遷崑山太倉衛指揮馬興毀僧菴撤材爲

此扁曰駐節嘉靖元年七月壞於風雨知州劉世

龍重建歲久傾圮嘉靖二十五年今知州周士佐

闢址改建門樓正廳增置後堂三間東西廂房各

二間繚以高垣煥然一新足垂永久

重建城西水館記思南知府陸瑚撰曰按州治之四境東北沃衍財賦視西南十之九西南瀕婁江其西當蘇松水陸之衝賓旅視其南十之九城西三里國初有寧海驛後移崑山竟廢今之西館卽其故址也太倉自弘治丁巳建州以來人文日盛公牘日繁問俗觀風行部取道之使應接始不暇夫嗣設海道憲卿啣命重鎮奔走諸郡縣之屬應接又可知矣西館正門廳事舊各三楹前守蓋屢葺之顧海潮當其上游直來衝受若撞若擊故片易潰膚切民廬豈惟尋常應接之艱至有部

公之下押何以爲祇迎趨蹈之地哉歲甲辰會江周公士佐以名進士來守吾州期年化行而民信之慨斯役之不容已謂宜甃石障堤而後永可圖也詢謀既同關白亦允工乃興費則節縮於公矜恤於贖未幾底績爰及館工其經營大致不易前法又以迤西五里曰勝安舖者圯且久乃移舊館復之悉仍其制館之制則命董工者役擴故址而一新之正門廳事之外益以寢室練以周垣廳事前翼以三楹寢室前各殺其一外內左右規制完朴豈惟應接且便居停上而迎恩展禮有餘

地矣門臨孔道亘以長堤過客居人恃以無恐增壯海邦數倍於昔則斯役也其容已哉大抵天下之事待人而行其有關政體而不可缺合輿情而不容已者吾盡吾職毅然爲之因循以讓人傳舍以自待者非夫也惟視民之相信與否耳公當新政次第之餘雖逢儉歲吾民固以諒公之心况乎處之有方役之有度夫是以濟君子曰是役也惟不容已而後爲之是謂知務先之以不可拔之基是謂崇本適轉移通變之宜是謂達權知務則有序崇本則有體達權則天下將無難處之事夫工

始於乙巳十月甲子訖於是年十二月甲子重民力懼妨農又有得于春秋時且義之旨一舉而衆善集惡容以弗書重以佐役諸君鈍庵輩之請遂記之俾將來者考焉原額公占基二畝八分今以其逆西空餘地五分易州民楊武田五分填作後段基地本州立案仍給楊武帖備照云

副使高宗本西館風帆詩曰榆柳風輕客館幽沈檣不斷往來舟豈因彈缺傷離思可是尋詩學壯遊寒雨一江迷去鴈夕陽千里帶飛鷗舊時多少登瀛客爲此凋零半白頭

婁江南館在南門外二里許馬頭上楊廉夫詩云鮫
卵兼斤傳海上海人一尺立階前婁江馬頭天下
少春水如天即放船

舖舍總舖在州前弘治十年置嘉靖二十六年知州
周士佐闢廣增修屋宇墻垣勝安舖在惠安鄉去
州西一十里諸涇舖在惠安鄉去州東一十里井
亭舖在湖川鄉去州東二十里劉家港舖在天紀
宮去州東六十里張涇舖在婁江南去州南一十
里

增修總舖託思州知府毛希原撰曰竊惟古者境

上行書各曰郵亦曰置置郵皆驛也漢特改郵名
置置者度其遠近之間置之也我國家定制凡
所謂驛特以過使賓客若古廬次郵食之云而行
書境上之舍乃謂之舖焉計每十里置舖者一若
置府州縣治之前者則又以總名蓋以移文上下
往來出入必關焉故也然則今之舖即古之置郵
與孔子曰速於置郵而傳命今舖必曰急遞言不
可緩即此意也吾州朔於弘治丁巳其規模略定
而所謂總舖者初不甚廣後之州大夫乃於其民
之理應入獄而文微罰薄者往往頌繫於是是蓋

欲其不煩徵召便於驗問而又不甚苦之也然其地迫隘而繫者又每病焉嘉靖丙午冬我州伯鳳南周公惻然軫念於此乃欲闢廣其址而別爲營建爰相其旁南有隙地希原舊置也比則爲鄉進士周君士淹其後乃爲節判王君世昌所有予知公之有是心也因首請以其地成公之美而周王二氏亦皆樂從而唯恐後焉由是南廣二十九步北因之而東則十九步西則二十步二尺積步五百七十步一分四釐共地二畝三分七釐五毫視舊額盈地二分五釐五毫高築周垣內復增建

屋宇堂舍爲楹者三十四明潔踈敞視昔迥者若就安居今既落成公廼屬予爲之記予辭不獲乃作而言曰凡有牧民之任者貴仁與恕則民無非分之辜仁則民有全性之樂而父母斯民道其畢夫茲焉文微罰薄者不使有係縶之苦至恕也頌繫舖舍者又得遂居處之安至仁也一舉而仁恕咸備爲民司牧之道又豈復有他說哉予於是知公之得乎其要而視民如傷之心蓋誠言矣能既夫詩曰豈弟君子民之攸壻公之謂也承公之委故用謹述其事而且少附己意如此不識我

公亦以予爲知言乎否也

嘉靖二十六年歲次丁未夏五月之吉

便民倉在大西門外舊在南關外卽海運倉基歲爲
困以貯稅糧正臨婁江道逼大海識者或虞不測
西門有興福寺一夕而災弘治十一年巡撫都御
史彭禮遂相其地檄知州李端移倉建此嘉靖十
八年火焚殆盡知州萬敏重檄而建之中官廳東
西廂房及後堂共十間中後厰三聯十二間東西
廂各七聯共八十間制度規模視昔加勝

善堂院在城東南隅朝陽門內故崇福菴俗名水滸

寺之東弘治十年建孤老院一所嘉靖十二年知

州黃仁山添設

漏澤園四一在東門外並城濠一在西門外便民倉
後一在南門外教場西一在北門外舊船厰各廣
十畝嘉靖十七年知州林學置各有石門週圍植
柳以爲界先是城無義塚北門外有化人壇郭內
外貧家力不能營墓者人死多冒禁卽而焚之州
人馮錡乃僦其地施財爲焚化院進士陸伸有記
略曰自王政旣熄佛法內侵於是始有戒火自焚
之說而世之號佛弟子者身死則無不焚之蓋曰

此茶毗吾寤滅之教也不知其焰一熾遂使吾人
效之至於立視戕賊其親之肢體而不之戚先正
直以比之炮烙之刑則釋氏之流毒其慘尚可勝
說也哉嗚呼其類有泚睨而不視人孰無是心也
必不能葬之如禮求下下不食之地反藁埋而掩
之可也不猶愈於此哉伸也少而未用人微德涼
力不足以起俗適因錡之請也而盡言之蓋誠有
望於吾州在位之君子將必有慨然能爲之所者
庸書以俟後四十餘年乃始置此

學校

學校所以造士育才之地也維太倉州後立於二
衛故其學之名先系之衛而更州自正統以來百
有餘年而人才之出於是學者相映後先爲東南
最蓋州之立割地於三縣合三縣二衛子弟游聚
而同門此固宜髦俊之不乏也至於廟廡亭閣池
山之屬其或飾或建則視昔亦漸有加焉

儒學元時遷崑山州立太倉其州學基在今州之西
既而州復徙馬鞍山陽舊治學遂圯廢國初太
倉學未立惟太倉鎮海二衛列處一城正統元年
有查用純者建議二衛合建一學會兵部尚書徐

晞亦上言天下衛所宜立學略倣郡縣制得請巡

撫戶部侍郎周忱乃相地改建鎮民橋東是爲衛

學一說地爲元水軍義順府故第而故老皆傳爲耆儒沈孟溫以五經授徒所弘治十

年立太倉州衛學改州學長洲舉人祝允明記曰

初兵部尚書徐公言天下武衛無有司可附者得

輒立學校便 詔從之正統戊午太倉衛士查用

純以衛與鎮海二武守共一城請如 制合建一

學 報可巡撫周文襄公忱董于成張內翰益沈

處士魯紀其事弘治十年丁巳昉造州緒正百度

學政隨以更初守襄陽李侯端爲之補缺飾弊又

小闡仁惠齊事事維力他日學正甘君澗等請于

侯談允明記之惟天下之治在君臣相遇其治之

道一而古今用殊古之用人者二曰士曰民今之

用人者二曰文曰武古之爲學者由明德知類由

絃誦由論政以及師旅獄訟之講習咸是出凡民

之秀者業于是爲士逮入官則文武具矣隨用以

成勸其民則官者教而用之故于時文武不角立

甲冑無專官繇學校一地盡之矣後世裂而兩之

苟手任五兵不必讀書爲從政然其後也勢終不

可若是以班故復爲之齊量挈東文可縱武武不

得獵文如官之分典也六而兵刑各其一刑者小
兵兵者大刑是皆武道纔萬幾一耳至鎮巡藩牧
凡百有位孰可不執干戈以衛社稷若是者咸來
自學校是竟不違先王之所以教也夫唯是所以
教之地若術弗可異而文弗可以弗右萬幾後先
燁然有功稱得地與術校然著已今更一甲子而
學還文制 聖人右文意逾至則士也大奮龔舖
閔勳歸鳴稱稱 聖人意也應復奚若詩曰周雖
舊邦其命維新其斯之謂與小子幸列下士仰沐
皇澤敢不是贊凡官類規度前纂有揭及陸大容

容嘗疑所傳禮殿爲宋故與學址爲萬戶官第

當失實州志已具其說維更制之間所以仍舊貫
作新民承 聖人意以通吾 君臣相遇之機者

厥功在當道昔季路將以民社廢學而夫子惡之

茲又何敢弗著

綱維者都御史朱公望彭公禮監
察御史方公詒王公鼎劉公昂王
公約袁公經郡太守
曹公鳳及李公端也

嘉靖二十六年同知周鳳岐署知州事隄生貢王

咨陸之箕等呈議以太倉自正統初年始立衛學

因元故崑山州學所存及水軍萬戶府宇改建弘

治十年改爲州學歲月既久敝壞益多理宜恢弘

規制以垂永久等因申諸巡撫歐陽公必進巡按陳公九德提學胡公植諸上官咸爲嘉允陳公特出本院公羨千四百兩經始於明年之三月

明倫堂正統元年建忠義孝敬二齋成化六年巡撫都御史畢昌命官開拓改建十六年巡按御史陳鼎令崑山嘉定二縣重立穿堂二間後堂五間弘治十年改衛學爲州學知州李端增置仁惠齋嘉靖二十七年巡按御史陳九德今同知周鳳岐改造

罔碑在明倫堂東北壁間不書所立年月

敬一亭嘉靖十年知州陳璜建在尊經閣前十五年

學正朱邦彥以閣前地迫隘捐貲遷建啓聖祠前增飾棟宇闡闡亭中立

御褒敬一箴碑 聖諭輔臣等碑注釋心視聽言動五箴碑

文廟正統元年遷故崑山州學廟宇改建景泰三年

巡撫戶部侍郎李敏用教授李宣言命崑山主簿

洪汝錄嘉定知縣李哲合力增修大成殿三間左

右步廊東西兩廡十二間戟門三間左右兩耳房

櫺星門三座嘉靖十年知州陳璜增飾兩輔前楹

視舊深廣按察副使州人姜龍記曰 皇帝御極

執三重以躋至治維九載庚寅 詔以吾夫子祀
典雖有歷代褒崇其像設儀章罔協于訓宜正稱
號曰至聖先師孔子若曰與天地絜大日月比崇
堯舜讓功者惟孔子則然萬世宗師以建人極自
有常尊莫之與京非袞冕桓圭軒縣佾舞所能加
重者也 制下于時太倉州增修廟學適成太倉
古婁地爲吳附庸閭閻起南武城以備越蓋邊境
也自秦爲縣未有崑山之名名之自梁始後或治
馬鞍山陽升爲州世有學宮以祀先聖先師元延
祐間始治太倉始翔廟學繼復徙而西學隳之

國初建兵衛二以控東夷武備旣張文教不無少
弛垂百年間積靡漸涵日閑輿衛雖有良子弟無
錄自振以強問學勢使然也正統庫申尚書徐公
暉上議天下衛所宜立學略倣郡縣制 朝廷從
之先是耆儒沈孟溫者通五經卽陳門塘之郤地
爲私塾以授徒綿叢以祀先聖遂因之建學立官
拔閭右之秀以充弟子貢不數年文教大起或以
其學淑鄉閭或以其文魁天下或風節動朝著或
廉孝名海內而茅拔彙征者相望先後蔚爲東南
名邦學校之功安可誣也弘治丁巳都御史朱公

瑄再議以太倉重鎮非州無以平兵農 詔可於是裂崑山之東鄙傳以常熟嘉定地之近者別爲治是爲太倉州更命學官而廟學仍舊初守李侯端嘗一新之嗣後或飾或拓規制略備唯廟宇經始逼隘春秋釋奠尸祝之餘步武弗舒今守陳侯璜有事於學顧而陋之乃漁釣束之美乃哀材木乃運陶埴梓巧畚鍤受直於官不以煩民輔以兩楹暈以前榮深廣視舊不啻倍之翼翼眈眈既麗且嚴明年辛卯丁巳修祀事孔虔邊豆式亭禮成罔愆士庶收觀耆老惟恐子弟弗與於斯其切亦惟患父兄之弗我教也方來砥節挾能益挺益厲出贊治化者端不靡茲乎又鼎建啓聖祠尊經閣爲泮池爲射圃以次就緒舉其所重餘可無詳焉耳侯以司馬貞外郎出守三年政成民安其惠他尚未遑學校是亟夫惠而不知爲政古人病之如侯者其知爲政者哉州博吳君大本率其徒之長且賢者陸賜王梁請龍曰願有記以無忘侯之功龍故諸生也不敢以不文解敬推 聖天子崇儒重道之至意及吾婁有學之顛踵如此是役也州貳姜君直楊君威慕蕭君才用咸相厥成吳君暨

其案謝君詔張君東實親蒞之以上下其工焉敦
事者士民錢模也允得牽連以書於是乎記

泮池在櫺星門南嘉靖十年知州陳瓚鑿正德十年
知州黃廷宣於學宮前甃石爲岸加以石闌至是
以其闌新之環置池上

饌堂五間成化十六年巡按御史陳博命崑山嘉定
二縣建卽明倫堂之後堂

號房景泰三年巡撫戶部侍郎李敏建二十五間正
德元年巡按御史曾大有復建二十八間並在廟
學之東今俱廢

在學宮之東弘治十七年知州翟敬建門一今
以其地建亭閣祠倉等屋

專經閣在學宮東南與文廟相映嘉靖十年知州陳
瓚建刑部侍郎州人周廣記曰嘉靖 天子龍飛
安陸修道立教以化成天下廼歲庚寅冬 詔學
校毀孔子塑像去王號減佾數以易木主觀聽一
新祀典聿正先是我牧伯陳君佩之留心首務則
既闢廟宇疏泮池以仰契 德意又登州之士于
堂告之曰大哉聖人之道乎秩秩乎 帝者之制
乎道載之經經以定制州學仍循舊貫故無闕維

閣載建茲將無待與爾諸士當知所尊矣尊經斯
爲尊孔子尊斯道以自尊道原於天具於吾人由
孔子而上 堯舜禹湯文武周公之治政教流行
宰物經世由孔子而下七十子喪而微言絕大義
乖六經之道棄如瓦礫而漢而唐而宋得周程張
朱相與講求其義不啻如日中天江河沛地也以
迄于今爾諸士當知所從事矣夫六經之道同歸
而散見則異易曰時書曰中詩曰正春秋曰權禮
曰敬樂曰和皆統於心此固孔子修明以紹往聞
來者患未有能真知而力行之以自尊耳今之士

其高亢者墜於虛寂次則溺於功利詞章其能約
於中正和敬以趨於時而達之權者寔寡也蓋經
也者常也萬世不易之常道也道率夫性性命於
天知性知天六經其筌蹄乎道之斯行茲將有待
與矧 天子躬行於上余承流以宣化爾諸士其
罔或弗恭以悖戾斯教諸士退相與語夫鄉之彥
毛彥深彥深謂廣曰廼歲辛卯春闈成是盛舉也
烏庸以弗記廣聞而然之無何復走書南都曰石
已伐烏庸以弗書廣因取牧伯所以告諸士之言
以告後之學者

啓聖祠在敬一亭後嘉靖十年知州陳璜建尋圯廢
舊材罕存者二十五年知州周士佐重建江西按
察僉事陳如綸記曰孔子道貫帝王德合天地功
在萬世生成藉焉歷漢已降有天下者莫不崇祀
而於啓聖公則畧而未秩宋咸平中嘗封爲齊國
公矣而未及於祀其闕里所建有啓聖王廟夫固
其子孫歲時伏臘致孝享耳而猶未及於天下也
夫禮重報本是故先王祭川必先於河惟公誕生
聖嗣而其立本之厚發原之長匪祇敷榮於一方
衍慶於一世已也而顧未秩其祀則於本原之義

以有未盡所以尚其道重其德報其功者亦有未
備邪我 明之興嚮道右儒孔子祀典極其尊崇
而公之祀亦未之有舉先正謝祭酒鐸程學士敏
政皆嘗疏請即格於時論或亦有遺議焉肆我
聖天子涵泳道真翱翔文軌通神明之德操制作
之權乃嘉靖庚寅 詔正孔子祀典復秩祀啓聖
公通於天下以先賢顏無繇氏曾點氏孔鯉氏孟
孫氏配享及朱松氏程珦氏蔡元定氏從祀祠因
學宮翼風教也祭同丁日昭倫序也明析本原報
隆道德比禮協義超古振今可以示有尊而教民

之孝可以示有敬而貞士之趨蓋禮樂必百年而後興典章歷九葉而始備誠爲帝王之高節宇宙之大觀也則爲良有司者仰稱德意敬飾祠所恭脩祀事固其務也所以祇承有嚴勅慈無懈其心惡容已哉吾太倉州嘗建啓聖公祠在明倫堂之左再越年而壞嘉靖乙巳餘姚周侯士佐由進士來知州事展謁先師目擊之而慨曰茲祠也王制聖道胥此焉繫或壞弗葺何以妥靈揭虔予職在事神茲役詎容於緩既諏吉闢地選匠掄材費取諸贖緡無寔於官工取諸散卒無勞於民日

程曰翼弗弗始以迄落成再越月

凡三楹旁翼周繚益拓初規其扁曰啓聖公祠以制也而其事皆作必繫於脩亦以制也予惟侯夙悅孔子之道篤信罔斁而莅官未幾卽首先脩建茲祠凡我官師弟子朔望謁焉春秋享焉俯仰維虔駁奔維恪觀德觀禮生孝生敬極其效之所至與教弘化移風易俗豈小補云君子謂侯知務於是爲允時兵備提刑按察副使新喻敖公璠慎飭兵防聿脩文教志諧議允祠所由成同知浦城周侯鳳岐協心經畫判官歷城閻侯儀義烏金侯

江同力勸相昔與有勞焉若夫授禮贊侯以肇事而礱石請予以記成則州博士郟城柱君允海陽許君守誼新昌胡君相靈寶董君輝先也

名宦鄉賢祠舊在儒學戟門左右嘉靖四年知州劉世龍以門步迫隘乃附名宦於文昌道院附鄉賢於靈應道院名宦祠祀元浙江行省叅政董公搏霄國朝巡撫周文襄公忱崔莊敏公恭夏忠靖公原吉吏部尚書王公恕巡撫右副都御史朱公瑄知州李公端鄉賢祀宋比部郎中郊公亶元強齋殷公奎文仲秦公約國朝耕學表公華安

道王公履良貴陸公仁明德鄭公潛夫陳公叔馭項公駕孟溫沈公璵叅政姜公昂太常少卿兼翰林侍讀陸公鉞少保文簡毛公澄嘉靖二十六年同知周鳳岐請於提學御史胡植復建本學啓

聖祠西

新建名宦鄉賢祠記右春坊右司直兼翰林院檢討張寅記曰名宦鄉賢祠舊分祀廟學之戟門左右先守謂其地隘禮褻弗克展虔乃附名宦於文昌道院附鄉賢於靈應道院歲春秋二仲月上戊日祀之日久事玩堂則風雨弗蔽庭則畦蔬可掬

主祀以守守怠則攝以貳或倅及暮於乎處非其地復簡於禮瀆則甚焉二三十年于茲莫能正之者政之弊也道之厄也嘉靖丁未歲知州事周侯士佐入 覲貳周侯鳳岐以刑部尚書郎左遷署知州事春仲月謁祀二祠惕然于中謂其非禮之正也乃具請於提學御史胡公植公嘉之曰據申具見敦崇風化美意准改建噫公其知教乎于是二侯相與度地於啓聖祠之西偏計費以學租之美峙建二祠東曰名宦西曰鄉賢隆其棟宇崇其扉墉豁其陛級不二月而工竣郡博士杜君允章

屬寅爲之記寅惟先聖仲尼修明堯舜禹湯文武周公之道以詔後之學者後之學者講明其道體之身心以之尊主庇民則爲名宦以之正風表俗則爲鄉賢二者相須而成其道一而已矣天下郡縣學立祠設祀使諸大夫國人皆有所矜式以其能講明仲尼之道而爲聖人之徒也出處畔道者弗與焉以生前之善惡爲死後之勸懲義其嚴乎廼若文昌爲司祿星官事涉誕妄靈應列三清神教理入杳冥守以羽人乃楊氏之流也夫聖賢之道關異端如追放豚故逃楊必歸於儒况可推儒

而附於楊耶周侯之舉可謂辨邪正之途析治亂之迹庶乎講明仲尼之道而爲聖人之徒歟由是彥髦濟濟袷佩秩秩嚴憚於過廟之餘從容於明倫之曠入名宦祠則思立功勳垂竹帛使其土之人仰之祀之如斯名宦焉入鄉賢祠則思孝宗族弟鄉黨使鄉之人敬之祀之如斯鄉賢焉皆周侯啓之也侯之有功於風教不亦大乎然復有說焉名宦祠建於州學則官制有限如以撫按閩帥藩臬府州紛列俎豆雖尚其功寔貶其爵有嫌於僭瀆非禮也法宜增建今祠惟以州守李公爲宜嗣

有德業之可述更當議入也鄉賢祠間有行實未詳者有其舉之莫敢廢也近歲所舉如滄碧靜遠三江纜三人耳其他功業施於社稷學術著於簡編志行孚於聞達者班班可攷繼嘗議請而弗果使多賢至於淪沒後學無所瞻依是在職有司者當留意也必舉措咸出於公而議論一歸於正則祭祀竭其誠敬幽明相爲流通真有得於觀感興起之間而周侯敦崇風化之意斯無負矣時與聞者州則節判閩君儀金君江廉目王君德符學則司訓胡君相許君守誼董君輝先生貞王諮等三

百三十人

土地祠在學宮東正德十四年廢嘉靖十五年學正朱邦彥損貲重建在尊經閣東

神器庫弘治十七年知州程敬置在尊經閣西神厨五錫酒罇海九銅爵大小百六十有二餘器數千百品歲久多敝嘉靖十六年訓導熊驥捐貲增置蓮豆二百錫爐七燭臺三十

書籍嘉靖十年

聖上頒賜明倫大典他無藏者嘉靖十五年提學御史聞人詮命學正朱邦彥收採官給白金四十兩

邱彥自以囊貲買之得書數十種金還官其所置書類并後續置者有五倫書孝順事實大獄錄五經隸字易禮記大全書集注儀禮周禮爾雅論語孝經左氏公羊穀梁孟子諸經傳注疏史記兩漢書三國志晉宋南齊梁陳隋魏北齊周唐諸書南北五代宋遼金元諸史六子書儀禮經傳春秋左傳呂氏春秋韓詩外傳十二子大學衍義文獻通考杜氏通典山堂考索性理大全通鑑綱目程氏遺書韓氏遺書朱子大全書四書或問近思錄小學歷代臣鑒楚詞文選增定事類賦文鑑皇明文

衡大學衍義補選詩陶詩杜詩唐詩正聲李文公
王臨川陳止齋尹和靖程雪樓鄭滄浪吟渭南李
抑菴羅一峯陸式齋李崆峒徐廸功湛甘泉王陽
明鄭少谷諸詩文集中都志潁川志山東通志安
州志太倉州志學正杜允懼遺亡俱用關防印記
學正宅一所在後堂北正德二年學正梁億建樓三
間於堂後築土為山植以嘉木嘉靖十六年學正
朱邦彥捐貲增建東書室及內側屋甃甍為垣置
中門周圍步廊復置試几四十每几長丈有二尺
廣二尺試坐二十每坐視几長有半今罕存者

別墅宅三所在學正宅東西

學舍在明倫堂東南弘治十七年知府林世遠置嘉
靖十七年知州林學移後故倉基數十步構屋三
間築垣護之表其門曰育賢

學田二百九十三畝二分六釐六毫在崑山縣二十
七保談字圩正統初年巡撫侍郎周忱置歲入租
二百餘石以助本學修葺之費積二十餘稔漸侵
沒於民天順四年教授李高以秩滿去巡按御史
王用以嘉定訓導徐壁攝學事壁至究知其由具
白於用即檄縣官覈之得實田租乃復歸學參政

常熟顧以山記略曰侍郎公既區畫以作學宮又置田豫爲修葺備可謂仰承祇順無所不用其心者矣今御史公主議清敷租田復舊則其圖惟永久之心侍郎公殆不是過然微訓導徐君之建白則莫原侍郎公之創始莫要御史公之圖終是皆惓惓於興學者可書故爲書之以告來者使其其所用心則不容其或至於廢而相爲無窮也弘治十年立太倉州治衛學改州學租入如初嘉靖十二年知州黃仁山申請提學御史丘養浩租銀贖州本學遇有公用申請乃給十七年知州林學昌

義立約州人助之別置田二百三十七畝於本州二都之新成字圩歲入租二百餘石以資諸生之處約者復自爲記略曰嘉靖丙申余始蒞婁入泮宮見諸生疊疊循循咸勵志于學竊喜之然猶恐其或以貧累厥志者欲求以資之未能也余告諸士民之伏羲者各捐貲以助遂得田二頃三十七畝於二都之新成字圩歲可得租二百餘石蓋爲養賢設也倉告成乃進諸生而語之曰汝知學乎學猶治田也畊則獲惰農毋望有秋學猶積貯也厚積則遠施不積而施其將能乎汝其勉之于是

郡博南濱朱子從吾熊子直齋楊子東川傅子僉
曰是舉也教與養之道備矣不可無記

社學附

社學在太倉衛西今廢

祀典附生祠

祀典政之大也太倉應載祀典者自先聖先師以
及壇壝祠廟凡十有三皆有司所守歲久多傾圮
苟能修舉舊制以崇典禮則治民事神之道兼得
之矣生祠祀典未成故附之其他淫祠尚多則附
寺觀之末使邪不得以淆正也

至聖先師孔子州有司以春秋二仲上丁日行祭

前期五日應行事等官散齋三日治事如故宿於

正寢不吊喪問疾作樂判署刑殺文書決罰罪人

及與穢惡致齋二日一日於廳事一日赴祠所宿

齋諸生皆齋于學官前一日行事執事官集肄儀

祝習讀祭文及眡幣行事于學之講堂及期陳設

省饌獻爵奠幣飲福受胙望瘞各致嚴廟制詳見學校志

啓聖祠州學官祭文廟舉行禮

社稷壇按社為五土之祗稷為原隰之祗能生五穀
者以其有功于民故祀之壇高尺許方二十一步

石門四柱基東西五十七步南北四十八步舊在大西門外沙浜之西嘉靖十六年知州林學移建于蔣黃浦之北神主以木爲之書曰州社之神州稷之神春秋二仲上戊日州學官迎社稷之神行祭祭畢藏主于庫舊壇北向新壇南向寅惟地乘陰則社乃陰氣之主設主於壇上北向祭者南面對之蒼陰之義也然南向者尊君之禮而祭者當之北面卑臣之禮而神主居之義不相安故正南面之位則時之制也每里各設社壇一所時祭如儀歲久漸廢惟壇制有神厨房宰牲房庫房

房滌池瘞坎繚以垣徃人守之今俱廢嗟乎有民人焉有社稷焉民爲重社稷次之爲有司者其毋虐民人而輕社稷知政之大端也

風雲雷雨山川壇按風雲雷雨皆天地之功用能生育萬物而名山大川能出雲雨皆有功於民者故祀焉春秋二仲上巳日迎城隍之神合祭祭法山林川谷丘陵能出雲爲風雨現恠物皆曰神諸侯在其地則祭之壇在南門外西偏址方東西二十五步南北二十七步高二尺

郡厲壇按祭法王者有泰厲諸侯有公厲大夫有侯

厲所以祭古帝王諸侯大夫之無後者左傳云鬼有所歸則不為厲以其無所歸或為人害故祀之皆各祭其類而已惟士庶人之無後者寧免為厲乎洪武四年特命天下郡縣以至于一鄉一里皆立無祀鬼神壇頒降祭文刻之於石每歲清明之日七月之望十月之朔以羊豕祭之先期牒城隍之神拍集鬼爽至期同祭壇在大北門外石門址高二尺方四十步週圍百步餘制俱廢

城隍廟在州治東南隅即元左丞朱清所建東嶽廟弘治十年改建春秋上巳日與風雲雷雨境內山

川神合祭新建太倉城隍廟碑明叅政陸容記太倉城隍廟舊在今太倉衛治前元崑山州志云城隍廟在州治前十餘步蓋衛治即州治也崑山州治太倉時立廟於此及州治西遷其廟不廢皇明定制凡天下府州縣城隍之神每歲春秋與風雲雷雨境內山川之神合祭于壇太倉置衛以來無壇祭歲二祭崑山縣主之蓋百二十餘年矣然此廟地纔餘畝逼臨通衢有司歲時來祭齋宿無所先是病其隘陋者亦嘗圖遷之而未果弘治庠成知崑山縣事楊侯子器奉例毀淫祠以太倉東

獄行官例所當毀乃毀岳神肖像而改爲城隍之廟其地規模弘敞殿宇廊廡復整麗壯觀縣大夫春秋致祭衛武臣朔望展謁鄉兵民日夕瞻依祈禱上下便之既訖事住持道士奚宗哲因太倉衛指揮使張侯漢請予爲文以記之予維天下之理歷萬世而無弊者曰誠曰正曰時而已故天下之事去僞而反於誠者其名正違邪而歸於正者其言順由小之大而適逢其時者其事爲易成若東岳宜祀於魯而濫及江淮以南是僞爲也城隍捍外衛內庇及生民功誠不在防水庸下故其神秩

在祀典一實理之所在也非去僞而反於誠則祠像設大率以天堂地獄之說誣惑人心是邪道也 國家制禮凡所謂城隍神者畫革前代封爵前蓋號而悉正其名不使雜於叢詞野廟之列非違邪而歸於正乎又嘗考之州初治太倉時廟制未備蓋嘗卽興德廟祠之又嘗卽海寧藏殿祠之泰定甲子始有州前之廟逮今歷一百七十年而改遷於是是非由小之大而適逢其時乎然則是舉也有以萃人心之誠有以成祀禮之正有以適時措之宜上不費於公下不勞於民而事以就緒

吾知神居安妥揚明效靈蓋將固金湯於億萬斯年與 皇圖全其悠久庸詎直新改作聳觀聽於一時而已哉是宜揚侯有見於此而果於改遷宗楮等圖昭侯之德而不敢後也文既成復請曰謀遷之初從史其事而贊成之者張侯漢與其僚汪侯澄江侯英咸與有力焉不可忘也因併記之

城隍廟免稅額記叅政王積撰其略曰太倉故爲崑山州治厥後州革其地始隸崑山縣 國朝建太倉鎮海二衛並居一城其城隍廟在今太倉衛之西南數武則崑山州之舊也陔隘不容鼎俎弘

治初 詔毀天下淫祠崑山楊侯名甫按視各

維今城隍廟先爲東嶽行宮制度侈大居民奔走最先當毀衛侯江廷俊汪源潔聞其事亟請於楊侯徙城隍廟神居之時尚屬衛也越九年丁巳朝議建太倉州遂爲州城隍焉維神血食一方陰陽我民春秋二祭載在祀典其妥侑之所宜給優爲公占然而積習歲久莫或之省嘉靖庚寅住持許師用恩獨慨然曰城隍爲 國朝明祀所在優復惟茲稅額尚仍其舊遂建議請於州太守陳侯侯除其稅額請記予惟幽明之理相爲流通傳曰明

則有禮樂幽則有鬼神未有事神而不本於治人者也未有明於治人而忽於事神者也侯之宅心也寬用法也平事上也敬處事也詳其於禮樂之事信無負矣宜其於鬼神之事無不用其誠也否則為矯誣為祝嘏為樂葆大矣日宋之盟屈建問范會之德於趙武歸以語康王康王以為難侯之家事無猜其祭祀陳信不媿是宜神降之福祝史與焉蕃祉老壽俾爾多益者也豈惟吾民賴之侯名璜字佩之為鄱陽人

城隍廟祈晴文知州倪宗正撰曰神奉 天命守

茲土而惟其禍福宗正奉 天子命守茲土而其賞罰陰陽職分相為表裏 天子又命宗正等歲祀月謁是又左陰右陽而託以輔宗正之不逮恭惟天以生物為心 天子體生物之心以為心神與宗正奉 天命 天子命守茲土雖一草一木一禽獸不得其生皆神與宗正之責况生人之靈乎茲土去歲淫雨秋成已虛民久乏食骨肉弗保顛沛流離餓莩載道茲土之民耗半所望者今年有年爾二麥將登積雨為淫節枯穗凋蒸鬱內腐田疇既治盜水泛溢插蒔維時無可施功秧始發

生隨卽黃萎乏食之民上濕下塗不能轉展輸販
謀生無門待死而已况疾疫流行十舉九殞茲土
之凶災神固監之宗正又瀆言者畏 天命畏

天子命而神與宗正職守弗稱宜各罹于罰宗正
恐懼修省愆德蠹政不敢有於身其才力之不逮
惟望神是輔嘗聞天之命官各有攸司風以吹噓
雨以潤澤日以烜燠霜雪以摧折四時以生以長
以收以藏天特無思無爲而已庶官各以生物之
心而行其職止也今淫雨爲災是坎官浸濫離官
罷曠水感火氣陽伏陰愆非 天之本心明矣凡

朝廷利病

天子許宗正等實封奏聞伏望神垂

茲土利病及民物不得其生之狀昭告于天分庶

官仰 雨師揚日御竄雲霾降風伯用開障蔽聿回

清明 天必降聽 神言諒無沮遏其或山澤溪

潭水陸之妖竊神權而肆靈者 神惟指揮神師

覆巢擣穴明正厥戮然後聞之于 天其或厲鬼

潛悲吐氣凝陰 神其出陷脫幽超彼逍遙之境

無使含冤呌號闐闐如此則神功德通天心喜發

祥颺煽和旭日布輝宇宙澄清山川光霽茲土凶

災以弭爲生人造福而宗正與有功焉不然則

神與宗正惟待 天罰與 天子罰而已夫以宗
正之庸下而受 天子之罰無怨矣 神之聰明
正直豈宜默默無爲而受 天之罰乎宗正冒昧
狂言不知煩陋惟矜其愚悃而錫祐焉不勝悚懼
之至

名宦祠文廟同日州學官行祭

祠制詳見學校志

鄉賢祠文廟同日州學官行祭

祠制詳見學校志

旗蘇廟在陳門橋西南洪武二年指揮朱文建每年

霜降日兩衛官致祭田四畝一分貼備祭儀

漢壽亭侯關公廟在教場演武廳後太倉鎮海衛官

歲時致祭評事陸伸記略曰太倉故有公廟在

比門內教場之西偏弘治十年以其地建州治教

場南遷於張涇倉基越六年衛武臣白于總督備

倭都指揮西公修舉如故或者謂公斃吳人之手

當不食於吳殆非通論今天下大一統非復偏據

一隅之吳矣况 國初定鼎於鍾山鍾山非孫氏

開國之地乎故有公廟而新之是時禮官無以爲

否者必有說也或又謂公之稱號不一當何從嘗

考之公在漢末封爲漢壽亭侯至宋祥符以來始

有義勇武安王之號迄於元之延佑則併諸號爲

一多至八十餘字而濫極矣 國初下詔謂忠臣烈士惟當時初封以爲實號宜正書其額曰漢壽亭侯關公之廟載記謂公生辰九月十八日今以五月十三日官殺少牢以祭因爲詳著其事於麗牲之碑而系之以詩俾有事於廟則歌以侑之其辭曰山西兮河東神靈會兮虎臣以降炎光屯滅兮大統聿分庶還于一兮式弘厥功命之不淑兮弗克有終悠悠有識兮孰不哀慟忠魂炳朗兮彌塞區宇鞭霆掣電兮爰上爰下作廟迓成兮于江之滸我心不貳兮公將我與佇維其來兮以祀以

妥維公之來兮其從如雲髯之飄飄兮顏如渥丹
狐狸迹跡兮魑魅失羣雲風蕭颯兮至止欣欣我
心不貳兮公寧我嗔無過其歸兮于濟于殮載拜
稽首兮無敢不肅曰公是刑兮以共武服公其少
留兮旋車勿速神曰醉飽兮既受爾祿爾心不易
兮我猶爾復

平江伯祠在天妃宮之左成化二十年金山備倭都
指揮郭鉉建有司原無春秋祭祀然海運糧儲則
有功德於社稷者法宜祠

二卿祠祀周文襄公忱崔莊敏公恭先在陳門橋西

南改三官廟為之後移置常春里文昌祠嘉靖二

十六年同知周鳳岐請于提學御史胡植立祠備

學二卿祠堂記南京大理寺卿仁和夏時正撰曰

國家仁愛小民在安之已矣亦既屬之內外羣

司而猶慮夫府州縣有不職則民有不安也乃時

轅在廷大臣出巡撫焉雖巡撫有地環數千里

其地即府州縣之地民即府州縣之民巡撫撫

府州縣之上凡軍務民情咸得便宜處置以振

夫府州縣之所不逮發政施仁黜貪去暴簡修

良別商蠶補罅漏持敬傾燭幽隱凡可以嫗哺而

而廉之者無所不致其極也以上宣德意下

達民情以是對揚天子休命慰答人民願望生

則民愛戴之歌頌之去則思思不忘也沒則祠而

尸祝焉不亦宜乎工部尚書周文襄公宣德正統

中以工侍巡撫南畿謂巡撫事在安靜不擾民自

安矣大江迤南南畿若府州縣皆吾地也而蘇松常

三府稅糧淵藪國家之所倚重人民物產官府

百凡科率規它或相倍蓰或和千百又前此統紀

不一征歛無藝費出非經民病去苛田蕪浦租

賦十器為民力竭矣足國云何故於三府尤

謂倉括石輸官起運存留外之贏羨各日餘米一

歲中若急副和買顧募徭役土木經營之類事起

一時胥此焉出若馬草夏稅軍需歲造盍歛之類

雖有常額亦此出焉外之餘者耕補斂助款儉賑

貸恤孤養老均施薄破之也何公計周密款如此

至到也邪自是居安逃復恣化詠歌遺負有償宿

蠶呈露志漁獵者無地售其巧善實錄者無路投

其技閭無胥諫之跡戶絕錢楮之召雞豚著息而

麻穀被野歲復連熟米斗錢十七八文或十四五

文稀曠僅有者乎如是十有七年還朝陞尚書

復來又一年致仕歸民思之歌頌之循洋洋也詩

曰有斐君子終不可諠兮此之謂歟嗣公之賢則

有南京吏部尚書崔蒞敏公天順中之都察院副

都御史來其地前日周文襄公之地其民前日之

民有其地有其民得其道得其心文襄公心在安

民得其心斯得民矣民之愛戴之不猶愛戴文襄

公乎崔公於文襄也無所於改而持之特嚴然政

由俗革偏滯類靡整飭疏濬時措之宜乃相成以
安民非相軋也是以貧厄在所惠鮮則均徭之法
立財貨宜所慎出則漕運之費節鑿常鎮一帶運
河免孟漬下港速涉風濤導吳松等江下流洩震
澤若雷夏秋汎溢獄無子里中揭黃平反崑山縣王
阿隆充太倉衛軍死無子里中揭黃平反崑山縣王
報無勾矣宅日其同姓二賴子利阿隆有舊田廬
衛且去其家近是不出家充軍月得食官廩乃用
自誣為阿隆近親先避軍後貫在它戶言於清理
軍伍御史信之遂逮里中論以隱匿坐充軍者二
十四人而二十四人列狀訴於御史坐充軍者二
閱其狀非不根且謂律罪人首實則連坐當末減
又中更大赦全坐非律意乃移檄御史復不省
公曰凡在吾巡撫皆吾民不幸猶將灑之况充
軍乎况二十四人乎竟直此二十四人一且脫去
軍幡然復歸於民遠近莫不大大快懷御史自後遇
隱匿者猶與論減不充軍人謂由崔公尚書以覺
之也在南畿凡五年還朝歷陞吏部尚書致南
京致仕歸當崔公昭雪二十四人時今浙江參政
崑山陸公容之父封職方郎中公名在二十四人

中參政公尚 小月自雪免頌頌崔公而賦
為立生祠屬 制令不可止而此心則懸縣
不置也適慈 鄉楊侯了器以進士授知崑山勸
有立志期月 以通民悅繼養以教乃及民風按
圖得城中淫 祠與巷院私創者悉毀無遺督而移
其村為公廨 頒館郵傳申明善亭兩賢祠社學
三官閣者亦 士所當毀參政公言于揚侯周文襄
公崔莊敏公 序惠吾人吾人一日蒙其澤吾人一
日其崇之思 也盍釋是屋不之毀改以獨水火其
副吾人勿翦 勿伐之戶汛潔其醜楹正其唐塗飾
土木偶而網 紗其非度者琢美木為二公之主題
其德浸黜 斥其非度者琢美木為二公之主題
日工部尚書 周文襄公之神南京刑部尚書崔莊
敏公之神福 具至之頌曰二卿祠堂而奉安之祀
以少牢酒清 詞映神之恪思遠近來觀贊嘆悅
謳吟而退於 庭記辭不獲誣記之曰惟昔皇陶陳
謨來徵為祠 室記辭不獲誣記之曰惟昔皇陶陳
蘇民民懷之 深也故於祠堂之建其悅之也亦深

一誠相孚思之久而不忘者乎是舉也叅政公實
啓之而揚侯克成之因民心之不忘用以不忘二
公是即所以不忘乎民後之繼之知不忘乎民則
必不忘二公則此祠堂之建有永其無斁乎周文
襄公名忱吉水人崔莊毅公名恭廣宗人
謹記○大全載分注者蓋祠廢而義畧也

遺惠祠在儒學東嘉靖二十七年同知周鳳岐請于
提學御史胡植新建祠浙江行省叅政董公搏零
巡撫夏忠靖公元吉周文襄公忱崔莊毅公恭王
端毅公恕都御史朱公瑄艾公璞浙江按察僉事
高公江備倭都指揮僉事王公憲蘇州府知府况
公鍾林公世遠舊皆祀儒學名宦祠思州知府陸
瑚記曰吾川名宦鄉賢其先未有專祠附諸道院

闕典也迨今署州事周侯鳳岐始並建于營
左旣又以名宦一祠爲蒞茲土之賢者設也等而
上之功德所被或咸而不專神靈所萃或尊而有
辨繫于州祠祀焉未稱也具言于督學胡公植併
以別立祠額請許之題其祠曰遺惠侯乃建祠遷
主及奉扁禮成節判閩君儀金君江諉瑚記之學
正杜君允司訓胡君相許君守誼董君輝先咸爲
申囑謹考之志載我

明初若江浙行省叅政任水軍副萬戶事董公搏零
討方國珍半涇之捷尚矣自後巡撫之繫民思者

歷永樂天順成化間若夏忠靖公元吉之治水賑
饑周文襄公忱之成賦建學崔莊敏公恭之濬鑿
運河德望若王端毅公恕興革若朱公瑄此皆保
釐江南蘇松尤賴者也宣德間 敕知蘇州府事
况公鍾社弊懲奸奏減額稅此又功冒三吳軼駕
保釐諸公者也弘治間巡撫艾公璞巡按曾公大有
僉事王公憲正德間巡撫艾公璞巡按曾公大有
浙江按察僉事高公江知府林公世遠先後賴以
平海者也按祭法以勞定國則祀之能禦大菑則
祀之能捍大患則祀之如董公者是誠以勞定國

者矣保釐諸公謂非能禦大菑者與平海諸公
非能捍大患者與顧今崇德報功既當其人委神
展禮復得其地協諸義焉制斯備矣遺惠之名根
本于民情區別于名宦典斯正矣昔者賢如鄭子
產夫子稱之不過曰惠人也及其沒也夫人深惜
之不過曰古之遺愛也然則遺惠之義又豈無所
本與擬諸公子古賢善取法于夫子者也祀在學
東一街之隔市諸民居其值取諸學租之美不以
煩民門廡堂寢之制不務華侈不費時日祠地一
區不入會計計奉木王一十三位後有作者以次

議入春秋二祭仍與祭名宦鄉賢之日同周侯闕
之浦城人乙未進士由刑部尚書郎出貳吾州即
其興學校正祀典之大者而其政教可推矣

丘憲王公生祠附

王公名儀先任蘇州府知府嘉靖十六年陞山東
按察司副使爲太倉兵備政成民德之爲立祠焉
以報本寺方丈改建

兵憲王公生祠記副使姜龍撰曰古先聖王之制
祀典其大者三曰能捍大患曰能禦大災曰法施
於民惟今兵憲肅菴王公有焉天下之郡劇且弊

莫蘇爲甚公爲名御史銓曹者掄材莫如公宜乃
屈公爲守屬縣之崇明環海而宅其中厥土惟沙
厥民漁稼之餘以巨觴轉販私醴以爲業甚則椎
剽江海間莫復誰何沿習已久乃歲乙未有董五
者黨翼子計憑陵隳突稍稍侵漁近地急之則操
戈內鄉邑里震懼蠢稚號呼丁壯荷擔跣立晝夜
四五動司兵暨守土官大駭以拒則力綿以撫則
信尼錯愕相顧莫能出一語建一畫者民曰王公
吾父母也來則吾其寧哉寇亦曰王公吾父母也
來則吾屬得生矣公聞之攘袂起曰凡居民凡頑

民皆吾赤子也其弄兵政驅之耳夙駕至太倉呼諸耆老諭以刑福利害俾轉相傳告辭氣慷慨志意開爽聞之者不啻挾纊不旬月渠魁授首群脅解散各安厥生無亡矢遺鏃之費拯塗炭而置衽席之士茲不謂捍大患矣乎又明年七月颶風勃興雷轟發海水皆立決防壞墉民用墊溺我藝我植秔稔霍菽麻尚木綿蔬茹果蓏悉偃悉禿株無子遺民以大困耕無所業織無所資喁喁嗷嗷死徙充路公時爲兵憲坐鎮卧護出餘散實响病濡枯又借民力以治水利俾就公餉民賴以活土

着晏然不異穰歲茲不謂禦大災矣乎太倉之地襟帶婁江枕藉瀚海厥土沮洳潮汐蕩激盈縮靡恒隆污相懸田糧紛紜日增月減賦大不均昔割三縣以爲州也其土盤錯交互初開闢之際豪緣爲奸取甫田者無斗稅亡立錐者有宿逋公於均賦餘力尤加搜扶銖校寸削躬握籌筭務覈其實於是據田者罔隱而失業者蠲累積弊大鏹民瘠有瘳又圩分區布勒之堅珉後雖有桀黠無所容奸茲不謂法施於民矣乎州之士民願生立公祠永以報祀州太守萬侯敏郡博王君應槐偕鄉仕

王世昌等監生劉龍等學生陸之衷等耆老沈鯨
陳信甫等太倉衛官軍注應麟馬林等鎮海衛官
軍武尚文素湘等徵詞於余以紀厥績且曰磐石
以待久矣余州民也躬承德澤歷歷可徵迺稽古
制而為之辭以見祠之非濫也頃歲王秦剽冠至
厓 朝命迺克戡定然公之功居多別有紀載公
於歷郡美政多有茲特為吾州頌故不得兼載焉
公諱儀字克敬畿內文安人

太倉州志卷之四

太倉州志卷之五

鄉都市鎮
村附

太倉鄉都分自三邑而地里相屬遠近未免更編
次第蓋使聯民之法庶乎不至紊亂也茲於城郭
既詳其坊巷而郭外之地夫惡可畧故述鄉都而
於郊民所居之村商賈所集之市因皆附書用以
見吾州土地之廣云

中鄉舊崑山惠安鄉分置管都二

東一都五里四十圩十五圖九圩景果可帝彼被
出水結四〇十六圖十七圩
陳衣歲芥珍制鹹拱潔淡食人李白短閨官字〇
十七圖八圩西惡東惡東賢西賢竹毀傷莫〇十

八圖四圩因坐特能西一都五里五十二圩八圖

○十九圖二圩皇鱗堂南習東善空冬收成玉虞始○二圖九圩身潛敢

金光位翔藏乃女師○三圖九圩服垂男身文潮

律化推河○五圖十二圩湯育黎臣字宇宙讓呂

駒壹二都十二里五十六圩上區領圖六○一圖

號水辰宿○二圖三圩稱劍來○三圖四圩暑蓑

光裏岡裏珠○四圖四圩東張西張南收北收○

五圖六圩霜宇外岡外光荒崑○六圖三圩金珠

五○下區領圖六七圖二圩巨瞻○八圖五圩觀

業成新業新成○九圖三圩闕致出○十圖五圩觀

雲雨餘○十一圖五圩閩西閩露夜新夜○十二

圖八圩東律北律西律呂東南律中律寒南律

東鄉舊崑山湖川新安惠安常熟雙鳳等鄉分置管

都九

三都八里二十三圩五圖四圩辰暑月荒○六圖

○八圖一圩北出○九圖二圩列日○十圖一圩南出

陽○十一圖六圩金冬吳露歲秋○二十五圖六

圩雨收盈四都八里五十八圩一圖二圩張黃○

來寒麗宇雲辰結○十六圖八圩南昆北昆西閩麗東柰
西柰歲秋○十五圖二圩南咸北咸○十七圖八
圩雲暑秋冬東餘中餘西餘成○十八圖十一圩
東辰西辰東宿西宿南日北日南往北往東列西
列月○十九圖十七圩天地玄黃字南宙北宙中
宙南洪北洪南荒北荒南吳北吳南張北張盈○
二十圖三圖五十八圩戎夜文賴雨
圩寒來閩南二圖五圩鳳體稱露制○南三圖二圩調往服
虞○五圖五圩壹白選食邇○六圖八圩陽為平
唐字人乃位○七圖六圩裳始麗餘閩收○八圖
四圩萊律果河○九圖五圩岡潛崑玉盈○十圖
五圩羽罪伐愛金○十一圖六圩珍秋光宿結荒

六都七里六十九圩南區四里三十四圩。十二

三圖七圩商官帝巨日海師。十五圖六圩伏率

柰鳴被塌。十四圖十五圩竹火周西北木歸東

木西北及南及藏賓場王草巨東及西區四里

宇天地露。三圖二圩光藏。四圖十九圩律荒

東北岡騰霜秋成生列玄黃西南岡冬為洪中岡

珠西北岡東岡南岡。七都八里二十圩成一圖五圩

荒。十六圖一圩呂。三圖三圩天地黃。四圖

三圩原來宇。五圖二圩生月。六圖二圩盈吳

羽。八圖一圩金。八都十一里二十九圩二圩淡

六圖八圩律暑成餘潛日雲稱。七圖三圩鱗菜

藏。八圖二圩寒列。九圖二圩金歲。十圖三

圩雨露出。十一圖一圩帝。十二圖一圩南鳥

一圩北鳥。九都七里四十二圩原宇冬荒。十五

圖七圩黃水洪來調騰。十六圖七圩海正

北河北騰南河張。十七圖五圩師帝南火北火

辰吳。十八圖三圩雨裁殿。九二十圖六圩生

霜號匆匆開光。二十一圖八圩稱宿昆果珠李夜

柰。十都十一里三十六圩十六圖四圩珍李日芥

十七圖二圩薑生。十八圖三圩為結月盈吳。十九

圖二圩飲注。二十圖三圩列柰珍。二十一圖

三圩冬重翔。二十二圖三圩潛東羽西羽。二

圖六圩民往原鳥出號。十二

圖六圩伏率

圖六圩西木歸東

圖十九圩律荒

圖一圖五圩

圖三圩天地黃

圖二圩盈吳

圖二圩淡

圖三圩鱗菜

圖三圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

圖一圩南鳥

交友猶子比兒同氣連枝守真志滿逐物雅意臻
堅持心動神疲逸弟叔。六圖十三圩好爵自糜
都邑夏華性靜顛斷採。五九圖五圩是夙興薄
兢。五十一圖十四圩温則命臨履匪舍傍深啓
沛蘭

西鄉舊新安惠安雙鳳等鄉分置管都五

十二都四里十四圩 十五圖三圩呂東律東歲
圖六圩西寒暑歲。十八圖二圩為東寒。十七

十三都五里五十九圩
圖三圩西寒暑歲。十八圖二圩為東寒。十七

圖六圩西截陽西律露結調 十三都五里五十九圩
十圍鳴慕愛民羽騰巨餘聖良珠。下十二六圖

六圩德星清閣過夜。上十二圖五圩正麗谷方
成。十三圖十三圩養維讚欲國蓋知鞠談積率

彼頽。十四圖十八圩暑賓禍往盈 十四都四里
張長昆號羔霜染網絲玉信長使

五十三 十四都四里
圖六圖十四圩必攻鳳比習才習詩伏伐
西聲作音東聲得處音聲當有水。七

長聽雲秋辭炮建露稱日荒周首草劍共陽
輟。九圖十四圩奈西火西行列 十五都七里五

吳辰覆宿來東火寒東西行致歸 十五都七里五
十圩 四圍五圩林阜幸抗殆。十四圖四圩將密

路俠。四圍五圩誠譏導唯近隸經璧書漆。西
典聚葉亦。二圖二十四圍十圩八縣照駭耶嘉

猷勉期尋植輪既。六十六 十六都十一里四十
圖八圩府羅省躬散寵增極

二圩 垣墻具善畏攸。二一圖八圩屬耳
口飯。二十四圍一圩顧門淫。二十六圖一圩

涂涇。二十六圖三圩克騰食。二十七圖五圩
松萊蔣倫花寺涇厥。二十八圍二圩饑宰。二

孩兒箱片。十四圍五圩太洪 十七都十六里三
塘小浜塘鄉庄涇廟涇夏界涇

十三圩 二圖二圩文谷。四圍二圩湯服。九圍二
四圩羽制官潛。八圍一圩師。九圍二

四圍一圩師。九圍二

四圍一圩師。九圍二

四圍一圩師。九圍二

圩皇乃。十三圖四圩朝有道劍。十四七圖二圩火位。十九圖一圩唐。一圖一圩南。三圖二圩衣鳥。五圖三圩番拱平。十圖三圩龍東青西育。十一圖一圩周。十五圖二圩字章。二十二圖一圩河。

南鄉舊嘉定循義樂智二鄉分置管都五

十八都九里四十六圩。一圖七圩天地玄宇宙列日吳陽。四圖八圩洪荒冬呂調為致結。五圖九圩收盈成菽間餘雨雲歲。三九圖三圩霜巨露。十二圖二圩出金。十四圖二圩騰號。十五圖二圩劍夜。十八圖六圩暑來律辰秋往。十九都十五里二十九圩。三圖三圩天黃。四圖二圩東露西露。五圖二圩東李西李。六圖一圩李。八圖一圩張寒。十圖一圩呂。七圖二圩洪李。九圖四圩呂宿列崗。十二圖一圩冬。十三圖二圩南巨北巨。十五圖一圩珍。

十八圖二圩補筒。二十都十一里十五圩。十九圖三圩騰閣筒。二圖二圩雨陽。比二十四圖一圩致。六一圖一圩珍。八九圖三圩雲律。十大圖一圩珍。五圖二圩金西夜。二十二圖一圩玉。二十三圖一圩出。南二十七圖一圩露。南二。二十一都八里三十三圩。三圖一圩為。二。二十一都八里三十三圩。三圖果李。李月日盈往。五圖三圩始天潛。七圖六圩重黃鱗龍鹹菜。十圖二圩寒稱。六圖二圩夜巨。九圖五圩字黃吳荒張。八圖四圩宙洪天地。十一圖四圩宿始火月。北鄉舊崑山湖川新安常熟雙鳳等鄉分置管都八。二十二都上下區十里四十三圩。八圖二圩為。致露芥。九圖二圩雨河。十圖二圩蘆潛。十一圖五圩珍出呂陽律。十二圖四圩玉露水宙。十三圖四圩霜來收歲。新二十二圖五圩海劍騰藏致。二十三圖六圩呂帝閏秋收往。二。

十四圖九圩巨珍
 關盈月薑芥翔師
 二十三都七里十七圩
 一圖二圩西巨
 圩李萊
 三圖三圩果翔羽
 五圖二圩金珠
 二十一圖三
 大二十四都八里一百六圩
 四圖十
 圩光生結
 吳西吳東秋西東宇西宇南宇北宇南出西南出
 中出北出西出
 六圖十四圩南天北天地南玄
 北玄南騰北騰東南玉西南玉東中玉西中玉北
 南玉北北玉南吳
 十七圖二十六圩東張東南
 黃南北黃西北黃南盈北夜西東光西光中光北光
 西南黃北盈西北張南盈北夜西東光西光中光北光
 北稱一比稱二比稱三比稱四比稱五南李北李
 十二圖二圩東南珍東荒東北稱
 三圖十四
 圩比閩東昆西昆南昆中昆東北昆律西荒南往
 西南珍西北珍西南昆北往中開西圍
 五圖十
 七圩東月西月東南致中致北騰西致西宙中月
 東宙中騰東生東北致東辰西辰中生南生西生
 八圖十三圩南洪北洪南名北名南藏北藏南
 西北岡南李中李東奈北奈為
 九圖六圩東呂

西化東珠西珠
 二十五都七里十四圩
 九圖一圩西
 稱號東日西日辰
 十一圖二圩秋張
 十二圖二圩霜往致
 一圩雲
 十三圖一圩騰
 十三圖三圩霜往致
 一圩閩
 二十四都二里二十六圩
 一圖十六圩
 雲凋餘成歲暑列雨收寒關
 二圖十圩東
 南果西南果東北果西北果結藤金號水露
 二十
 六都十五里九十九圩
 一圖七圩歸鳴王在東風
 中鳳西鳳
 上三髮方被
 下二圖詩讀上蓋圖九
 圩蓋化身木竹草髮方被
 九圖十一圩東詩欲罷西染南糜幕持南詩短東
 染東靡
 下二圖六圩建賢剋念作聖
 下三圖
 二圩傳谷
 上二圖六圩建賢剋念作聖
 下三圖
 五圖十一圩必良攻闕過談能彼及得知
 十三
 圖七圩陰薄因非實良壁
 下四圖七圩堂習陰
 聽虛細因
 八圖八圩已長可使信福莫忘
 七
 圖七圩四大五髮效才敢
 二十七都十二里五
 六圖六圩常恭惟鞠男敢

十七圩一圖四圩祿後富車。三圖四圩冠肇。給兵家。二圖八圩右既承集千英明通。十五圖七圩通廣內左上達集下達。五圖六圩福善慶綠積鼓。東六圖二圩是惡。西六圖五圩鳳世一祿驅。七圖四圩冠階載振。九一圖六圩素敦軻史魚色。十二十八都十一里五十一圩圖四圩轉納陞弁。九圖九圩園莽抽條渠荷的歷批。十圖四圩早晚把翠。十二圖二圩兩疏。十五圖一圩鵝。十七圖三圩霄奏配。二十九圖九圩凌摩道屬陳潤醫委根。五圖三圩即樓見。十三圖一圩遊。十六圖五圩降落東飄西飄葉。三十一圖二圩遙欣。八十四圖十二圩梧開招戚居歡謝遺累桐。二十九都十里五十三圩十五圖四圩南獨渾。北鄒庄斜涇下澤。十六圖五圩剋東得房能談。十七圖九圩徐巷東斗門姚涇彼小洪塘北下澤。西半門譚灑港。十八圖二圩陳巷知房。南十九圖五圩木橋角鄒庄涇和尚涇北姚涇。

其按今定戶籍之制必畫十甲為一圖圖置長差科出焉其法循編排之格以周年為限數圖為一都都大者則分上下區區置一糧稅責焉其法簡富殷之家而不限以年里長有司無遠近設之惟糧長則置於賦多之地太倉割三縣地以為州合所割都保皆謂之都凡二十有九但當時所定遠近次第未得其當如一都二

稅養可霜。二十三圖一圩狹。二十四圖二圩

都附在城郭三都四都則至並海去城五六十里而遙其他三十四等都又或近出數里顛倒錯雜莫得其說鄉之父老每以為病謂必四郊循環自近編次漸及於遠則前所云差科租稅事多便益而於田圩字號一一明白排定革去重複淆亂尤為良法或曰圖籍既久未易紛更姑書此以俟

崑山縣分置市鎮有六諸涇市

去州東一十里新塘市 去州東三

後來云圩字義書無考史記孔子世家生而頂上農也孔子頂若反字者若屋宇之反中低而四傍高也蓋四方高中央下曰宛丘故名今以一方之田不論多寡周迴有溝溝

十苦涇鎮

去州東五十里相傳舊出苦草故名

林寨宋紹興四年巡檢和通

毛家市

又名雙橋鎮去州北一

建有關武亭范寧撰碑記

半涇市

去州北一十五里新市 去州東三十里

治中義官王俊

又有村曰趙巷曰雙廟曰沈童巷

湖徐稱鶴王市

曰偶家曰浦家 原湖川鄉二十 曰南洲曰龔巷曰

楊馬巷

原新安鄉二十三保至二十六保

曰泗村曰後羅曰趙莊

曰東陽莊曰陳村曰孔巷曰洪莊曰胡浦曰栢家

曰何村曰泗里曰董村曰霍巖曰胡村曰王里 原惠

安鄉二十七保至二十保

常熟縣分置市鎮十一雙鳳鎮

去州北二十四里又名雙林晉成帝戚和

六年天竺沙門支遁過直塘訪瞿剛先生見東南
 有五色氣卓每識之旦日令耕者掘土皆五色得
 石函中有二龜忽化鳳飛去耕者掘土皆五色得
 鄉市亦因之居民稠密市物輻輳
 十里水無曲折故民
 沙頭鎮去州東北三十六里
 居民市亞於雙鳳
 物可埒雙鳳父老相傳此亦海也沙頭創民居市
 今府有沙頭河迫所提率蓋昔在本鎮今遷去云
 璜涇鎮去州東北六十里近鎮有涇涇中有石如
 璜富人欲取焉
 知為山根也成化間義士趙璧初市禮多侍郎李傑
 碑記云今太倉州之趙市舊為常熟縣之璜涇鎮
 弘治間增立太倉州始割隸焉璜涇故大鎮元季
 兵燹民始蕩折離居而昔時繁華之地鞠為草莽
 之區矣 國朝混一以來百有餘年無有能興復
 之者承事 郎趙君仲輝世居其地慨然以為已任
 廼捐貲鳩工饒材構屋數百楹以處流寓建橋梁
 修道路以便往來於是商賈駢集貨財輻輳若土
 地所產與夫他方水陸之物靡不悉具凡近市三
 十餘區之民有而求售焉者無不求市焉者蓋不

俟簾灑負橐操舟馳騁遠赴都邑而不日之間
 遂其所求矣閱三十餘年聚居益盛遠近之人皆
 以趙市名之仲輝沒已久父老咸其遺惠請於州
 司立碑以紀其勞而求天下之民聚天下之貨交易而退
 民日中為市致天下之民聚天下之貨交易而退
 各得其所利世之功大矣蓋衣食之類皆民日用所
 拾用藥餌以救疾瘳擿以送死衣食之類皆民日用所
 不可缺者况璜涇僻近海濱墟落凋遠率有緩急
 何所取辦此仲輝之立市所以有巧於一鄉而豈
 登塵罔利者所可同日語哉夫神農功在天下固
 萬世之人不可忘也仲輝功在一鄉夫來者一塗
 人所以不忘之歟碑以記之庶以徼夫來者一塗
 於市 去州東北三十五里傍七浦塘父老相傳此
 亦海也塗松塗上之松也唐龍朔間有卷有
 院至宋元有酒肆元豐間去鎮為市為吳張士誠
 嘗築城營兵於此以備海寇今廢盛季文詩有羨
 藜幾處荒城秋 三家市 五里小市 陸公市 在塗
 之句正謂此也
 舊為陸氏初建後義官 甘苴市 去州東七十里舊
 錢疎修葺之更名新安

東臨大洋陸河市去州北七十里內九曲市在陸

有延檢司陸家河故名西北五隆市去州東六十里又有村曰上錢涇曰

東顧莊曰黃涇曰撐脚浦曰下錢涇原雙鳳鄉曰

彭李堰頭曰澧河漢當作澁音蒲鑿切別有澁湖港曰成村曰穆

原雙鳳鄉三十五都曰高盧曰大浦曰陳巖舍原雙鳳鄉曰

穿山曰石堰原雙鳳鄉曰東丫涇曰桂村曰漕湖

曰徐鳳曰蘆荻曰八赤曰南港曰北港原雙鳳鄉曰

曰西丫涇曰眉涇橋曰曹莊曰六莊原雙鳳鄉曰

直塘曰瞿涇曰斗門曰朱港曰任陽原雙鳳鄉

嘉定縣分置市鎮有二吳公市在小婁塘去川南一十五里嘉定知縣

志明導民於葛隆鎮去州南二十里與嘉定縣中分而治又有村曰

黃姑村原樂智鄉二十山縣東三十六里地名黃姑

古老相傳嘗有織女牽牛星降于此織女以金篋

劃河水湧溢牽牛因不得渡令廟之西有水名百

沸河鄉人異之為之立祠按荆楚歲時記黃姑者

亦猶牽牛之語轉呼為牽郎耳鄉人因以名其地

見於題詠甚衆古樂府云東飛百勞西飛燕黃姑

織女時相見李太白詩云黃姑織女相去不盈尺

李後主詩云迢迢牽牛星在河之陽燦燦黃姑

女取取遙相望劉筠內翰詩云百勞東耆燕西飛

又報黃姑織女期其他不能盡載雖非借此黃姑

然得名之由亦可類推祠中列二像建炎兵火時

士大夫多避地東岡有范姓者經從祠下聞詩佳

間云商鷗初起月埋輪烏鵲橋邊綽約身題詩佳

期惟一夕因何朝暮對斯人鄉人遂去牽牛像今

獨織女存焉禱祈之間靈跡甚著每至七夕人皆

合錢為青苗會所收之多寡持盃攻問之無毫釐

不驗一方甚敬之上有廟記已不復
存今河猶曰黃姑灣祠則曰織女廟

戶田

均掙課
程附

戶之有口田之有賦二者相須而成政之方也太
倉志戶田自弘治建州始弘治以前分屬三縣
無可紀惟戶口之贏縮係徭役之繁簡田賦之
耗係征歛之得失從政者知所以撙節而愛養之
則生齒日蕃儲蓄歲輸足國之道也苟於額法之
外多生枝節竭民力盡民財逋逃喪亡相繼伊誰
之咎歟作戶田志

弘治十年戶五萬一千五百五十四口一十五萬七

千八十

崑山分戶二萬六千三百五十四口七萬五千六

百七十

常熟分戶一萬五千二百七十口五萬八千

嘉定分戶九千九百三十口三萬一千七十三

弘治十五年戶五萬一千七百九十九口一十五萬

四千九百四十六

正德七年戶五萬三千一十六口一十四萬一千二

百二十五

嘉靖元年戶五萬三千四百九十一口一十四萬一

嘉靖九年戶五萬三千三百一十六口一十六萬二

千九百七十

嘉靖十九年戶五萬三千三百一十六口一十六萬三千八百八十八

寅惟戶口民數也民惟邦本本固邦寧故周禮獻民數於王王拜受之重之也民力之用不得已而役之太倉濱海禦寇有兵壯巡邏之役征科有里甲催辦之役水利有開濬疏導之役漕餉有舟車轉輸之役公府有祇候典馬之役倉庫有十級庫

氏之役歲辦有供億之役使客有支應之役不得已者也然戶口不稽其實差役不得其均富逸而貧勞弱肉而強食弊弊焉極矣長民者欲生聚之蓄盡求所以生息之乎

弘治十年官田地六千八百九十九頃五十五畝有奇民田地二千七百三十四頃一十四畝有奇夏稅麥二萬二千二百一十四石絲三萬六千五百一十三兩秋糧二十萬六千二百六十八石農桑絲一百八十七兩馬草六萬八千五百二十四包五觔各有奇

崑山分一十七區一百五十四里官田地四千二百三十頃一十三畝有奇民田地一千四百九十一頃三畝有奇夏稅麥一萬五千四百九十五石
絲二萬一千一百七十兩秋糧一十二萬七千五百
十四石農桑絲一百八十七兩馬草三萬六千六百九十七包七觔各有奇

常熟分七區九十里官田地二千五百九十頃八十四畝有奇民田地九百二頃五十六畝有奇夏稅麥五千一百七十六石絲一萬九百八十六兩秋糧五萬一千五十六石農桑絲一百三十一兩

馬草一萬七千二百五十一包九觔十三兩各有奇

嘉定分五區六十六里官田地一千一百一十九頃一十畝民田地二百九十八頃五十二畝有奇夏稅麥一千五百四十三石絲四千三百五十六兩秋糧二萬三千二百八十六石農桑絲一百八十七兩馬草八千五百七十八包三觔四兩各有奇

弘治十五年山灘塗蕩官民田地九千六百二十五頃六十五畝有奇夏稅麥二萬二千一百六十六石

絲三萬四千九百五十一兩秋糧二十萬四千七百三十二石馬草五萬八千三百四十二包

正德七年山灘塗蕩官民田地九千二百八十七頃三畝有奇夏稅麥二萬二千七百九十石絲三萬四千九百八十九兩秋糧二十萬四千七百三十三石農桑絲三萬四千九百八十九兩馬草五萬八千六百四十二包

嘉靖元年山灘塗蕩官民田地九千二百八十七頃三畝有奇夏稅麥二萬二千七百九十石絲三萬四千九百八十九兩秋糧二十萬四千七百三十

三石農桑絲三萬四千九百八十九兩馬草五萬八千三百四十二包

嘉靖九年山灘塗蕩官民田地九千四百九頃七十七畝七釐四毫夏稅麥二千七百九十石一斗六升一勺絲三萬四千九百九十四兩四錢一分六釐三毫三絲秋糧二十萬四千七百六十七石一斗八升四合三勺農桑絲三萬四千九百八十九兩馬草五萬八千六百四十二包一十二兩八錢四分五釐

嘉靖十九年都御史歐陽鐸知府王儀知州林學清

理田糧原係崑山常熟嘉定三縣分割額有二十九區三百一十里一千四百六十五圩田地蕩塗九千七百四十四頃八十九畝七分一釐二毫米二十萬九千五十七石五升三合九勺今清見併過三十五里冊盡一十二圩見在二百七十五里一千四百五十三圩田地蕩塗九千九百五十七頃四十二畝三分四毫米二十一萬四千三百六十一石七斗四勺

聽會計額外

太倉衛屯田六十一頃九十六畝六分二釐三毫

鎮海衛屯田二十五頃六十九畝五分九釐九毫
南京朝天宮齋糧田二十五頃二十二畝一分九釐四毫

本州儒學田二頃九十四畝二分六釐二毫

太鎮二衛軍營基地一十二頃三十九畝六分五釐九毫

除會計額內

覈實冊海江塘田地三百七十四頃九十五畝六分五釐正米七千五百石四斗四升二合七勺
拋積荒田三十六頃二十四畝四分八釐三毫正

米七百七十四石五斗六升三合

公占田一十一頃二十一畝二分八釐一毫正米

一百八十八石七斗一升五合三勺

實在科糧田九千四百六頃七十八畝五分五釐

三毫正米二十萬五千八百九十七石九斗七

升九合四勺

內太鎮二衛官軍居塚田地三十九頃四十三畝

三分七釐四毫正米九百六十一石三斗五升

四合五勺

各三行內均包價銀四百二十六項二十二畝

二分九毫正米五千七百二十八石四斗四合

七勺

蕩塗山池潭漫二十二頃四十二畝四分四釐四

毫科租米一百石二斗四升六合八勺

未查之先每田一畝加耗一斗二升

清理之後以查出隱蔽田糧抵耗外比舊每畝得

減耗米五升八合八勺七抄五撮止加耗米六

升一合一勺二抄五撮

夏稅即絲麥馬草之類原係耗米包補清查之後俱議平米數內多寡不究是無數目

小麥二萬一千七百九十九石九斗六升六合絲三萬四千九百九十九石馬草六萬

八千六百四十二包一戶口食鹽鈔九十三萬一

十二兩八錢四分二釐二貫五百文照例每鈔一千貫及銅錢二千文作

一塊折徵銀四兩共銀一千八百六十二兩七錢

五塊折徵銀四兩共銀一千八百六十二兩七錢

釐鈔六釐四毫農桑絲折絹七疋一丈四尺

寅惟田賦國計也蘇為禹貢揚州之域厥田惟下

下厥土惟塗泥厥賦上上錯故蘇之田賦甲天下

太倉東海之沃野無棄土賦之入于官者昔已重

矣世代屢遷關土制賦不能不異况其析地以建

州小人乘之以規弊多資者腴民以殖產弱戶受

抑而代輸里胥舞弊以亂額有司無庸於詰問豪

宗巨蠹憑窟城社以賦為奸敵焉極矣嘉靖間知

府王儀議請巡撫都御史歐陽鐸行均糧之法

量丘畝均派斗則由是欺隱者覺發虛耗者澣補

積弊稍除民困稍甦為國家永久之利後之從

政者其毋紛更之手

太倉州清理田糧書冊序知州萬敏撰曰太倉蘇

屬邑土賦視他名郡為雄上供半取足焉然斗

則不同猾胥和奸操盈縮以與豪右為市積漸所

乘賦法大壞顧天下無不弊之法而有可解而更

張之會是將有待而為者前巡撫石江歐公今兵

憲肅菴王公守蘇時適當其會殫慮劬神農多講

索凡再閱月議始定取境內土征之地步計畝閱定爲一則時州守林子洎承事百役各勤其事至嘉靖十七年五月事浚當鑿石於公所圩有目圖有要都有會州有總斗則一而賦平由之而牽耗又由之而差役觀者如指掌然復慮久而或漫也爲之錄俾人籍於家凡舊視人貨高下抵賦射利者計輟不行而豪右始謗終懌然於編戶有遺惠矣昔先正文襄周公暨郡守况侯嘗德蘇人因土賦租因賦差役蘇人血食之至今不衰二公者求文襄之故而能得文襄之心則亦善守文襄之法

蘇自正統年定賦額至今未百年而已弊叢叢地則自今而後安知不百年而可恃以無變者哉噫亦難乎語變也已清廟之瑟修弦而踈越惟善音者能張之弛矣而不張之弊也張矣而復亟張之亦弊也始是舉也以密勿論思之輔屢疏得允然莫當其役者幾十年二公者身犯衆怒斷然行之嗣公者能如公之於文襄州之民其世有廖乎敏來也晚不任其勤而樂仰其成觀是錄也謹拜手書于首東

大倉州清理田糧書冊後序判官鄭寅撰曰大倉

州崑嘉熟三邑所割地屬蘇郡也蘇之田賦當天
下十二大倉當蘇之十二時極弊滋田賦之法壞
重臣因疏請行量田之法適兵憲肅菴王公守蘇
時挺然當之乃遍歷田野先勞不倦首言之太倉
然不利於豪右胥動浮言煽惑群聽鄉大夫聞之
不便者俱以紛更疑公海內縉紳之士亦咸爲公
難之公持之益堅踰旬月鄉父老士人騰聲稱便
效勞奔役閱二載而田得其平矣循此而攤耗而
賦平矣畫一之法絜矩之遺也賢者世守之不爲
巧詐所乘不賢者世守之無以欺僞取戾豪右苟

服大夫以乎凡縉紳之士因公而知宇內無難
事也要之公經畧素定於平時而爲民一心徹貫
金石故能格衆心息群議克底厥績如此若率意
而漫爲之不濟繼以智巧則亦多事自弊焉耳烏
足爲公語哉茲公錄之以壽諸梓良法美意斑斑
可楷固有興起而續軌者其亦自諒如公之才之
誠云

書量田均糧冊後監生王世昌撰曰按察肅菴相
公昨守吾蘇時即求以田賦之計垂德於蘇民輸
誠竭思夜以達旦革其弊而新是圖謂世昌可與

言也進之幕下曰田非量不明耗非攤不平指示其畧審問其宜推赤心而無間焉世昌才雖庸鶻無過人之識然將命不敢辭則有夙夜不遑於寢食者務求有以副公之委而當民之心但積弊既多革之實艱故吾州之民見世昌之始事也意頗疑而譁之嗚呼田賦之計乃一方事非世昌一家之事也苟有毫髮私意存乎其間神明必鑒臨之其敢欺乎惟積弊既革田賦以平吾子孫將來世受其賜此則世昌所以貽謀之私也况吾州之田賦况他縣爲易均故吾州之受利視他縣爲亦益

是又可以欺人者邪或又譏予自承茲役歷四不得顧其家身留公所出私財以自給內示公於宗族外獲咎於交游馳驅困頓而不惜者非有所私乃好名也此亦諺矣夫革弊者有利於此必無於彼棄家業而招怨好名者固如此乎吾所以必求竟其事者報公國士之遇且以解他日不明之禍耳公之誠心善政別具本府清理田糧總錄而頌解一冊尤足以徵焉若世昌則有不能以自默者因識數語於茲錄之後庶覽者之有以察其心也

丁田附錄

丁四萬五千五百五十二每丁編銀一分該銀四百五十五兩五錢二分

官民田九千四百六頃四十九畝六分三釐五毫每畝編銀一分一釐該銀一萬三百四十七兩一錢四分六釐

蕩塗山池潭漚二十二頃四十二畝四分四釐四毫每畝編銀四釐該銀八兩九錢陸分九釐八毫

共編銀一萬八百一十一兩六錢二分八釐六毫

高於內分撥

里甲合用銀二千五十八兩六錢四分八釐

均徭銀差合用銀一千八百八十兩

力差合用銀五千五百九十一兩六錢

備用銀一千二百八十一兩三錢八分一毫

實惟均徭舊法十年一編民戶承差一勞九逸今法每年照丁田出銀貯庫支用輪甲審編仍復差後催徵給領之間侵欺賄賂之弊奸計百出屢經撫按有司會議未決知政君子尚當留心

課程附

商稅酒醋等課鈔歲有定額原額鈔其錠九千八

百

商稅鈔其錠七千六百三十二

門攤鈔其錠七百七十四

竹木柴炭鈔其錠一千三百八

契本工墨鈔其錠五

茶法引由鈔其錠八十

物產

九州之士異齊是故物之生也各有所宜太倉故
吳地土宜產自江以東多不殊今皆類列而不取

略夫亦志其同而因見其所無也間有一二出自
人力而不盡同於佗郡邑者則自別著于後云

穀屬

秬稻吳門事類曰吳俗以春分節後種大暑節後

種刈者為中稻夏至節後十日內種至寒露節後

今有早白早烏早紅晚稻有晚白晚烏唐陸龜

蒙詩曰暹為晚花吟白菊近炊香稻識紅蓮則亦

有晚紅糯稻亦有早晚糯也又有香子糯曰靠

蓮矣山橋者則晚糯也二色粒小而長出關中即青稞麥也形似小麥

而大皮厚故謂大麥又有縹麥赤白二種蕎麥豆
麥七月種九月熟得霜即枯秋無霜即大熟有黑白二種紫花者其子黑白者
為佳郡城人呼為延籬豆諺有延籬豆花開挾然

蔬屬

菘菜

子來言此花開時作寒候也又有綠豆赤豆粟蘆黃豆蠶豆豇豆豌豆刀豆黑豆佛手豆數種粟苗似蘆而粒異黍北方呼蜀黍者是也穀園雜記謂朱子詩注云黍穀名苗似蘆高丈餘穗黑色實圓重稷亦穀也一名稷似黍而比人論辨黍之形似乃知所謂苗似蘆高丈餘者即南方名蘆粟者蓋自是一種非黍也其所謂名稷似黍而小者此乃是黍非稷也今北人謂黍為黃稷。箕按公孫弘脫粟飯類注云言不脫粟不精鑿也觀此又若謂粟為米之稗穀。麻准曰黃麻不可以績又有脂麻非此類子細可食東此類田畔多種之能辟出殺草。綿花非木花綿花出南粵綿出于中可貯茵得今人所謂攀枝花者是也若呼吾鄉綿花為木綿花者非

菘菜菘有三種有牛肚菘葉最大味甘紫菘葉薄細味少苦白菘似蔓菁今之所謂白菜即白菘也。埋雅云菘性凌寒不凋四時長見有松之操故其字會意而木草以為引霜雪也故今人家常

留於園巖暮霜雪後挑食之甚佳名曰
 翠窠菜范石湖詩云撥雪挑來場地松
 芥菜種

春長盛其薑心最辛晚四月間摘取為菹甚美
 其子至明年春夏和醃所爛漉去其滓入豆粉中
 食之名曰甜菜 葉厚而圓滑春摘其葉食之復生
 日芥粹甜菜 復披至四月葉皮內生小青中則不
 可食本草有菘菜 復披至四月葉皮內生小青中則不
 菘音甜自是一種波稜 根赤未甘葉如箭鐵連根

花雖黃云蔬品有頗稜者昔人自頌美蘆志引藝
 來因名之今俗乃從草曰菠稜失其義矣。莖按
 嘉話錄菠稜本是頗陵國將來語訛耳時多
 不知也二說相合但稜陵二字小不同

春菜 葉似芥而莖長 香菜 而細者二種 莧菜 韻會云莧
 菜味亦頗佳 而細者二種 莧菜 韻會云莧
 葉皆高大

而見故字以見爾雅黃赤莧今之莧有赤莖者是
 黃也又有葉小莖柔而赤者曰馬齒莧顏氏家訓
 耳馬齒莧也 蒿 即生菜其莖肥脆可食故今俗
 耳馬齒莧也 蒿 呼為蒿笋如過時則莖有銳不
 可食 非 初城中不見種非近來 葱 一種胡葱不可食
 食 圓圓不種非者蓋少矣 綿葱則細而味頗

葉似芥而莖長 香菜 而細者二種 莧菜 韻會云莧
 菜味亦頗佳 而細者二種 莧菜 韻會云莧
 葉皆高大

而見故字以見爾雅黃赤莧今之莧有赤莖者是
 黃也又有葉小莖柔而赤者曰馬齒莧顏氏家訓
 耳馬齒莧也 蒿 即生菜其莖肥脆可食故今俗
 耳馬齒莧也 蒿 呼為蒿笋如過時則莖有銳不
 可食 非 初城中不見種非近來 葱 一種胡葱不可食
 食 圓圓不種非者蓋少矣 綿葱則細而味頗

葉似芥而莖長 香菜 而細者二種 莧菜 韻會云莧
 菜味亦頗佳 而細者二種 莧菜 韻會云莧
 葉皆高大

而見故字以見爾雅黃赤莧今之莧有赤莖者是
 黃也又有葉小莖柔而赤者曰馬齒莧顏氏家訓
 耳馬齒莧也 蒿 即生菜其莖肥脆可食故今俗
 耳馬齒莧也 蒿 呼為蒿笋如過時則莖有銳不
 可食 非 初城中不見種非近來 葱 一種胡葱不可食
 食 圓圓不種非者蓋少矣 綿葱則細而味頗

葉似芥而莖長 香菜 而細者二種 莧菜 韻會云莧
 菜味亦頗佳 而細者二種 莧菜 韻會云莧
 葉皆高大

而見故字以見爾雅黃赤莧今之莧有赤莖者是
 黃也又有葉小莖柔而赤者曰馬齒莧顏氏家訓
 耳馬齒莧也 蒿 即生菜其莖肥脆可食故今俗
 耳馬齒莧也 蒿 呼為蒿笋如過時則莖有銳不
 可食 非 初城中不見種非近來 葱 一種胡葱不可食
 食 圓圓不種非者蓋少矣 綿葱則細而味頗

井又有龍瓜葱以其葉端岐生蒔大蒜也今所種如瓜故加以美名蓋即樓葱也并州人呼香菱亦

多見胡荽今名園荽香菜也并州人呼香菱亦

葡萄郭璞云紫花菘也俗呼溫菘似燕菁大根圖經云蘆藤今俗呼蘿菘是也又一種暮春時有之

形細長味脆美名揚花蘿菘當揚花不可食矣茄一名菘

白二種謂重瓜有刺者曰黃瓜又括樓實亦曰紫者瓜謂重瓜有刺者曰黃瓜又括樓實亦曰

黃瓜詩所謂果臝之實是也月令四月王瓜生非

此又有一種名絲瓜一名天羅架一名布瓜生非

名摩羅者霜後取而去其殼內皆絲縷如織可用

持物謂之布瓜疑即此若今絲瓜則細而長可食

非一物也又有甜瓜味香而井不及西瓜更倍詩

其瓜開密箭韓愈詩澄澈甘瓜濯恐非謂甜瓜或

是西壺詩云八月斷壺踈壺壺也一日瓜之可

瓜耳壺壺者埤雅云長而瘦上曰輻短頸大腹

匏蓋匏苦而瓠其復有長短之殊非一物也

今所謂匾蒲即瓠也晉劉道真所謂長栢壺

小不司而筍竹萌也今有燕來筍亦甚香今唯

其類亦瓠最早哺雞筍味頗佳亦甚香今唯

文廟丁祭用之人薯蕷即山藥本草云一名山芋

山藥食者則甚少薯蕷是也又有香芋同而花脫

墮地上即結子小於香芋味甘美又有黃珍菜似

山藥無稜而薄亦蔓生結子霜後採之明春

按於地發苗結子而土中子更大者可食芋有

果屬

芋早芋二種形味頗同又有大者俗呼為芋

頭蓋即昔人云大者如蹲鴟謂之芋魁者也薯蕷

詩云言采其蕷即此淹以為天茄眼睛草葉似茄

蔬名按今俗所謂天茄及忌地藕眼睛草葉似茄

鴨眼晴二草皆與圖經不同地藕眼睛草葉似茄

以其葉似剪刀故有是名

梅實消梅鶴杏實地理志范蠡宅在湖中有梅杏

頂梅佳杏實大如拳今吾鄉猶有二種實大

味美者豈於桃實金桃膳脂桃鶯嘴桃實李實
 氏之遺種較大而不甚黃亦者無味者最劣小而或
 者佳棗實黃或赤微有垢紋者生啖清甘且脆
 實吾鄉以海門糖榴實海榴櫻桃小者曰櫻桃
 把一名盧橘昔人謂批把多核海棠無香再則
 矣銀杏一名鴨脚子以其葉相似金棊又曰金橘
 圓者亦曰金豆桐高五六尺橙有香橙蟹橙香橙
 或有高尋丈如橘者葉亦小橙皮厚浮而似橙而
 橘近年吾城人家多種橘柚詩有條有梅是也
 注大曰橘小曰抽實按格物論云抽大橘也
 樹而冬青實丹而味酢與橘同時而熟今有一種
 不香者俗謂之柚音若偷即此也說香椽本名枸
 文似橙而酢書注小曰柚者何歟香椽本名枸
 抽而長倍之採而置書室中清香種類亦多王
 香蒲坐人愛其香故謂之香櫛菱種類亦多王

角三角曰芡蓮房中夏蕙可生啖蓮房通呼蓮
 刺蓮惟白蓮蓮房黃山谷詩云莫藏春筍手且
 蓬藕花者佳蒲荷名馬乳者佳○箕按岳季
 重自上古神農九種功力為最世葶薺即地栗
 謂得之大宛歸種漢宮昔未之考葶薺名鳧茨後
 漢劉玄傳掘鳧茨而食即此也

藥屬

紫蘇又有白蘇方莖同葉芩窮即川芩一說芩窮
 名蘇亦甚香其子白可食江離根也江離一
 蕪一名蘇葉蒼耳一名胡寢子今俗謔為蒼荆
 芥一名假蘇葉銳圓多野生以香氣似蘇故名之
 門冬一名羊韭亦名馬尾花淡紅吳茱萸采日商
 陸爾雅云蓬藟馬尾廣雅香附子苗葉如葑而瘦
 云馬尾商陸一名當陸

面多毛一 **忍冬藤** 即金銀花 **紫葳** 一名凌霄花 **猪苓** 俗呼火

名菘草而狹長文麗莖高二三尺 **天花粉** 蔓生葉

秋初有花如菊秋木結實類鶴蛋 **茵陳** 俗呼茵陳

而小 **蒲公英** 俗呼蒲公英 **茴香** 本名蘘香子茴

一名芫荽子本名荻草木疏 **淡竹葉** 此乃草類與

同惟節葉稍似竹 **車前子** 即詩所謂車前草大葉長

耳開花翠色如蝶 **牛舌** 多莖高尺餘長葉結子 **夏枯草** 冬至

衣似旋復三四月開花作穗紫白 **草麻** 圖經云莖

色似丹參結子亦作穗五月枯 **葛蒲** 長二三寸然

其蕨亦有莖青者今人取其子 **葛蒲** 謂侍者曰聞

不可多見梁張后忽見庭前葛蒲花謂侍者曰聞

得見者當富貴因取吞之是月產梁武帝宋蘇天

公詩云有花今始信菖蒲可見花之不常有也如

惟細如韭葉為菖蒲其葉麤如劬脊者自名菖蒲

椒 九葉者佳 **薄荷** 惟即學前一種絕香各隴

二月生苗一莖莖端出三葉淺綠色稍似 **半夏**

為藥葉根下相重生上大小皮黃肉白 **牛蒡子**

本名惡實實殼如栗球小而多刺鼠過 **杜蘅** 一名

之則級惹不能脫故又謂之鼠粘子 **薏苡** 一名

香今俗呼 **薏苡** 又有一種名薏苡珠結子如薏苡

為銀兒草為戲正是 **鶴虱** 胡名蟲螢花實與 **馬**

此物恐非薏苡也 **薔薇** 類胡把花七月結實

薔薇 類胡把花七月結實 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

艾 類也又藥白蒿也 **艾** 類也又藥白蒿也

皮樹生小叢赤蔓莖間有刺五葉生蕃藺狀如蓮
 枝端根若荆根皮黃黑肉白骨硬蕃藺高之類
 高三二尺今俗所呼薔蘭者不同紅花志云張騫所得也其花墨
 乾以染真紅又作臘脂吾城中以體腸俗謂之旱
 花和水磨研極細染布帛紅可愛體腸俗謂之旱
 蓮草斷其莖有黑汁可染

木屬

桑

柘二木相類柘葉凋長而厚梧

桐

雖二木而陶隱居云桐樹有四種而以此

白葉青有子者為梧桐今吾鄉所種多此若青
 桐白桐崗桐皆無植者詩疏又謂青桐即梧桐曰
 即椒松歲久身如龍鱗詩葉柏黃柏亦曰區柏其
 也秀美今名馬尾松
 木最檜說文松葉柏身今人亦謂杉說文似松而
 佳推塚墓間植之又與江浙鬼有葉親楊柳
 材不同故俗呼之為杜杉木小而花紫楊柳

條物總論柳樹高莫娜枝條葉細而長三月
 如錦白飄落輕狂漫空如雪楊花頗似柳絮
 枝立葉榆即樞也今稱娉榆又有棟爾雅棟木
 亦短小木秋榆其葉可瘞物光澤高丈餘葉密
 如槐而失花紅紫色實如小鈴俗謂之苦楝子可
 以練故名唐詩二十四番花信風陳花風其終也
 今按棟高不止丈白木名烏曰俗呼丫曰秋棟
 餘其實亦不以棟栢來葉為若與棟栢皮類榆而
 種香椿其葉初生時可采為茗與棟栢皮類榆而
 即山椿所謂栢栢也韻會栢木似栢木黃葉細木
 甚兩雅陳其實棟釋曰棟似栢之木也棟實
 堅棟之房也其實棟也今棟梁自裹○箕按周禮
 掌染注象斗之屬染黑有所謂冬青年枝石楠
 象斗子即此也或曰棟栢實
 吾鄉亦惟墳墓間植之清明時紅葉墮地小兒拾
 以為冠帶嬉戲○箕按唐權德輿詩石楠紅葉透
 簾春則當時不特楓兩雅權德輿詩石楠紅葉透
 墳墓間有之矣
 所謂木籠冬者似之經霜葉樸葉類榆其樹高者
 冊給子有囊故俗呼鐵線包樸大木可為樵机楮

續不斷至秋八仙狀如瓊花而入蝶蕨者曰玉蝴蝶俗呼護一名鹿蕊又有金燈俗呼忽地笑以其花如燈籠故名花後方發葉如荷未開曰菡萏注萱而細圖經謂其根為石蒜

發曰芭蕉又名巴且司馬相石竹叢生花曰菡萏已竹綉羅如傳諸緬巴且

衣此也滴滴金一名滴露陶弼詩云九秋珠露滴云菊種類最多劉蒙菊譜又二十五品今之品數倍

昔大抵更立美名與昔同者十無二三吾城菊品頗盛於他郡邑他郡邑好事者往往過此買置載

歸又有甘菊與冬菊相類杜詩云簷瑞香花有數前甘菊移時晚細蕊重陽不堪摘

所見惟楊結香花類瑞香而黃其枝紫薇日紅蓋其花開甚久又俗呼接癩樹或以開花紫薇日紅蓋

爪微搔其本榦則蒲樹枝枝搖動蘭蕙似惟一

莖花為蘭一罌粟本草云罌子粟花有紅白莖數花為莖

紅等辛夷花初出如筆故雞冠花如雞之冠黃細絲杜鵑俗呼缺石榴始來自安石國萬里香

花亦有來從海外新羅國者木犀即桂花格物書名海榴今人皆謂之石榴

白或黃或紅或紫今惟黃白芙蓉俗是木芙蓉色為多若紅紫則未之見也

虞其直而茂因又號大蓮白藥山茶種有十餘品天詩水蓮開盡木蓮開正此也

也今城中好木香有苗白二色白花紫木槿花事家亦多有

開暮落故名薔今錦帶王元之名曰海百合香人家多植以為籬

種花淡黃白色頗香玉蘭花類木華樹大者開花真有斑點者下品也

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

紫荆小無極者非田氏荆也金錢朝開暮謝故曰

草屬

曰夜落銀錢花以錢各言其形之似也百氏
集云厚重圓如秦半兩輕薄似漢三分
唐邵悅云此物開花明媚可置之近砌芳香
庭雖萱草忘憂合歡詞念無以尚也又各刺葉
謹按菽園雜記云晉人論草木之有竹猶鳥獸
之有魚自是天地間一理此說亦奇茲從山海
經以竹為草
屬冠諸其端

竹

哺雞葉大多濃陰有慈竹草木疎云南方生
母竹令慈竹也一名孝竹筍譜云寒則顯
生溫竹暑則隱生青竹故今俗呼慈孝竹
天竺開如栗結子成穗甚紅美
本地膚子俗呼落第母
老少年莖葉如雞冠無花秋深葉
草細葉叢生根萃水草也世說揚花化為浮萍兩
草即香附子
孩兒菊蒿附吉祥草
本似萱草

鳳尾草

生陰處

苔

一名垣衣又名薜荔蔓生綠絡木
水衣所謂薜也薜荔石垣牆杜詩

翠雲草

生陰濕處滿砌如雪裏珊瑚
詩疏薜荔生名段稍小江東呼為烏
霜紅如珊瑚草乃名薜荔似草而小

藍青立今所謂烏藍柴也又有芭茅人家多種岸
邊或圍宅以當牆六月生花七八月連莖收以為
簾亦謂蓼有紫赤青馬水香紅等種生水澤中白
蓼又允河底起土岸上初年則盛
生蓼花或云魚子所化未知是否
羽屬前漢地理志揚州畜宜六擾師古曰馬牛羊豕
皆不詳疏

雞鶩鴨

雉

漢品后名雉當時諱之故
稱野雞至今皆呼為野雞雀一

家實言栖宿人家如賓客蓋為巢陸佃云鷓
其栖多在簷際無巢于木者鷓巢取木抄枝不取

墮地故一名乾鵲古諺云乾鵲噪而行人至至今

俗以其噪為有喜事唐寶參子申當時目為喜鵲

沈石田詩云鵲噪未為吉雅鳴豈烏鴉別名有小

是凶吉凶人自致不在鳥聲中鳥而多羣腹下

白喙曰雅鳥小背而微白能反哺者曰慈烏鴉

大喙及白鷗者南人謂之雁雀鳴則以為凶鴉

合故名其色類亦多人可馴養鳩俗呼為鴉鴉

故飛雨則逐去晴則喚歸歐陽公鷓鴣詩病燕

暗似鴉鴉又有青色似鳩而稍大者青鸚

稱青鸚一名倉庚即所謂黃鸝鸚詩云春令

鳩鶯吾鄉則有亦不多見也鸚鴉在源即此

頭小鳥褐白頭似雀而大身綠色頭青頭似黃

青色善聞白頭有白點慣啄佳果青頭似黃頭

色告天又名噪天善鳴春日鸞嘴身火綠色似鸚

如黃畫眉褐色眉細曲繡眼身得色目雖鸚大鳥

長嘴偷倉小鳥善為巢出入群飛本名秃鸚鴉俗

紅脚偷倉鸚梅聖俞詩秃鸚尚欲遠飛去鸚鴉呼

入燕有二種紫胸輕小者是越燕胃赤而聲大

哥增韻赤羽曰翡翠羽曰翠翠小如燕毛青黑色

翎點點青不深無光彩上食魚翳大如鳩毛紫赤

然亦不常見或以所謂魚食者當之所見鳥尾短

腹赤背青黑色山鵲似鵲大者鬼車亦名九頭

毛屬

昏夜晦冥則飛鳴俗以鳥鳴子規小鳥其鳴自呼

占風雨諺云出窠風進窠雨子規子規或曰即杜

鵲然杜鵑大如鵲詩詒曰雉鳴王雉也王雉鷓鴣也今之杜鵑

牛馬羊豕犬貓狸吾鄉有貓突者

貓又曰野貓身長小獾說文野豕也或作狸今吾鄉

大於貓而頭耳小獾獵者常得所謂猪獾狗獾正

此類獺食魚

鱗屬

鮓此魚食泥亦甚腴美吾城人家二月間養苗於
 漸池至秋盈尺可食之城稍遠雖有畜者經歲則
 邑無此種鱸見於吟咏甚多吾鄉雖有四此唐人
 蓴刀魚也今亦呼為刀蓴出太湖者甚佳曰湖蓴
 又有江蓴吾鄉惟海蓴為多味雖美但小而不
 及江湖所出者暴乾為鱸脰脊上皆首三十六鱗
 可以致遠名之曰蓴子鱸脰大小自首至尾無
 至冬味肥美故吳俗有冬鱸夏鯉之諺鱸版身肉
 此蓋小鮮之佳者璜溼有大者重三斤鱸白味美
 者曰白鱸似白鱧而頭大黃石首海族云夜視有
 光彖轂子云石首鱧也出南海頭中有小石故名
 石首腹中膠可作膠唐張彥遠云吳中膠膠采章
 之用蓋古畫家取此今吾梅梅魚出海中狀類石
 鱈用此膠合板木器物
 者不過三四寸以在三
 月迎梅雨時來故名
 鱈兩斜角細鱗骨軟肉白

味甚尋大而骨脆肉美可為鮮頭上冠長如危
 甘美魚魴又作鱠鮮璜曰無鱗口在腹下魚名
 白鮎狀似鮎而色白黃按中吳紀聞云鮎字集
 韻吾回切皮日休詩因逢三老如相問王滯江童
 為鮎魚則又扁山海經注鮎即鮎也陸佃云其鱗
 皆若會矣魚方其厚褊故一曰鮎一曰扁細鱗
 縮項魚會幾博物志吳王孫權江行食鱠有餘因
 之美者魚及棄中流化為魚此說恐孟浪今此魚
 出海中清明前後感粥干布皮日休詩玉箸殘以
 隱凭船舷無一事分明數得鱗殘魚
 其白細箭頭尖如鉞嘴嘴長細吹沙無細骨冬
 故名
 蝦虎與吹沙相類而兩腮有紅色故俗鮓出月中
 罵婦人妝飾脂粉者則曰蝦虎鮓以五月
 三時來故名味美其直鮓出海中與石首魚同時
 頗貴於他魚又名箭魚鮓腰下有骨如鋸故名
 箬形似箬笠極大又細鱗狀如松江河鮓
 口細鱗狀如松江河鮓申無鱗目口能開閉作鱗
 之鱧正此魚也

詠云蘆青長一尺莫與河豚作主客東坡詩亦云
蘆蒿滿地蘆芽短正長河豚欲上時蓋言二月初
魚盛可食過時水母一名蠟音除駕切生蝦為目
則有毒不可食水母血館無腹胃眼目如蝦為目
蝦動蟾沉故曰水母目蝦○其按夜園雜記聞溫
州人謂水母頭在上面正中兩眼如牛乳割之中
各有小紅蝦一隻故曰以蝦為日本草又云豐即黑
俗呼為海蠟今俗呼蠟音若直而拱曳切佃曰無鱗
又有青魚似鯉身圓而長青色魚田腹白而大
青色有雄無雌以影漫鱧而生鱧小於鰻身黃
子故謂之鰻今遂呼為鰻鰻鱧色故呼黃鮮鱧
似鱧而短以
涎自染難捏

介屬

蚌說文履屬又蛤也蛤蚧以口有紫蟹笠澤叢書
蚌今所謂蚌大於蛤蛤綠者為佳蟹於稻之
登也率執一種以朝其魁然後從其所之早夜常
沸指江而奔魚者緯蕭承其流而障之曰蟹際得

而求大得趣者遂入其殼及大滿者又
其隔謂突此說不然然其殼有蟹其種
類自不同未必得趣者其殼亦大也蚌
生海邊大者曰青蚌小者曰黃甲蚶斤無毛兩小
足薄而潤者曰撥棹子蓋雖小亦大於蟹陽
吟詩為我辨酒看羅列鱧有群甚美小八海師小
吟與蚌其為佳味久矣珍有東蠻群
螺師而長螺師生田田螺大於蚌小於蛤蚧有白
殼北蓋鉄蚌蚌屬魁陸也亦作蛞臨海志蝦有青
塘為多蚌蚌背似瓦壘有文今呼蚌子蝦有白
彭蠡似蟹而小管蒸饅渡江所食蝸籬一名師螺
殼上正此其味在殼俗呼蠟可嗜蝸籬小於田螺
有後彭蠡資養清明時有崑山人家上墳必用此

蟲屬

蠶 丑鄉養蠶不過取其繭陸農夫云蛾似黃蝶
雖有線線望綿者亦少蛾而小其眉句曲如畫

一獲善拂燈火夜飛謂之飛蛾又有大而黃或斑
 者謂之天蛾乃鳳仙偏豆葉間大青黑虫所化又
 述異記謂麥化飛蟬小而有文者曰螻今俗呼秋
 蟬今呼為麥蛾蟬涼者是也又有金色極小聲
 如蟬而細者俗呼香絲螢月令疏名即照古今注
 今之響蟬即所謂蠋也螢名夜光一名宵燭詩注
 宵行虫名如蠶夜行喉下有光如螢有青蠶正蒼
 蓋自是一物螢能飛而此不能也青蠶正蒼
 俗謂塘螂一名圻父○箕按圻父司馬也職長封
 麻蠶塘螂圻之甲兵故號今以名虫蓋亦取其前
 兩臂如斧有奮臂當車之勇耳淮南胡蝶有黃有
 子所云齊莊公稱為勇士亦此意也胡蝶白又有
 大而花或黑紅奕者乃橘蠹所化俗蜻蜻蜻小而有黃
 多呼為梁山伯祝英臺不知何謂也蜻蜻蜻者曰胡
 黎小而赤蜂有密蜂胡蜂土蜂竹蜂本名螟螟螟詩
 者曰赤卒蜂留師密黑色齒竹為窠者也螟螟螟
 云桑間小青虫今惟槐上為多鄭玄云蒲盧取桑
 虫之子翁翁翁去煦媪媪媪以成其子古今人言
 之多矣翁翁翁深媪媪媪以爲媪媪媪詩疏云似蝗而
 雖莊列媪媪媪言皆媪媪媪

